



सानसेयारि "बड'सा" खरीरालाइयाव समाज्यादि जिज्जो लोब्बा थानाय रायथाय, खन्थाय, सल', सल'बाथा आरो बावबायादि थावनि, पार्क बाइदिनि स्यायाव लिहनाय लिहबिबां दैशाय हर/ सानसेयारि "बड'सा" खरीरालाइया खेबखानावै फोखावगेव।

बड'सायाव लिहहरनायनि दुबा खालाम, "बड'सा" खरी नोथि, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 24 February, 2024 Kokrajhar, BTC, Assam ★ Vol.-33, Issue No.326 ★ R.N.I. Regd.No.40994/91, Assam Govt. Regd.No.IPRD.40/2006/3, ★ Rs.8/-

डुमडुमायाव हानि पाट्टा रान्नायजों लोगोसे माखासे जौगाखाडारि बिथांखिफोरखौ बेखेवदों आरो अन्थाइ खाम्फा गायसन्दों

आथिखालाव राइज्यो सरकारनि मावबिबान समाव गासैबो हारि-हारिसाया समान मोन्थाय मोन्नो हादों: डु हिमन्त बिश्व शर्मा

दिसपुर, 23 फेब्रुवारी: मिसन बसुन्धरा 2.0 नि सिडाव राइज्यो नाडै हानि पाट्टा गथायनाय हाबाफारिखौ लानानै आसामनि गिबि मन्थि डु हिमन्त बिश्व शर्मा आ दिने तिनसुकिया जिल्लानि डुमडुमायाव खुनाय हानि पाट्टा गथायनाय हाबाफारियाव बाहागो लाफेदों। बे हाबाफारियाव गिबि मन्थि आ डुमडुमायाव गासै 80 कौटि रं बाहायनाय माखासे जौगाखाडारि बिथांखिफोरखौ बेखेवनायजों लोगोसे माखासे बिथांखिफोरखौ अन्थाइ खाम्फाबो गायसन्दों। मख'नो गोनांदि, दिने खुनाय



बे हानि पाट्टा गथायनाय हाबाफारिनि सिडाव डुमडुमा बिधान सभा बियाबनि सा 7

रोजा सुबुंफोरनो हानि मोन्थाय महरै हानि पाट्टा गथायो। डुमडुमानि रुपाइ गोजो गेजेर

फरायसालिनि गेलेमु फोथाराव खुनाय दिनेनि मेलयावनो गिबि

मन्थि आ 50 लाख रं बाहायनायजों लुनाय औगुरि उफा- देहा मिरु आरो 80 लाख रं बाहायनायजों लुनाय डुमडुमा मोब्लिब परिषदनि मावखुलि न'खौबो बेखेवना होदों। गुबुन फारसे, गिबि मन्थि आ 37 नं. माहारियारि राजा लामानिफ्राय दरियाभेटि लामा आरो डुमडुमानिफ्राय पिलबारि लामा, नाजिराटि एलिपि स्कुल जानानै काक जान मजिदनिफ्राय आमगुरिसिम लामा लुनाय, 52 नं. माहारियारि राजा लामानिफ्राय

कक्राझार, 23 फेब्रुवारी: बिटिआर खुंथाया जाखांनोनाय गोदान जोलैनि थाखाय सोलौंथाइ होनायनि बिथिडव बांसिन गोनांथि होनाय गुबुन गुबुन बिथांखि आजावबोदों। मख'नो गोनांदि, बिटिआरनि सोलौंथाइ बिथिडव लानाय साभंआव 72% आरिसु बिफानाव सोलौंथाइ लानायनि सोलायै 28% जोखोन्दोल' बिज्ञान बिफानाव सोलौंथाइ लाबोदों। बेनिखायनो प्रमद बर' देदेनाय बिटिसि खुंथाया बिज्ञाननि फासै गोसो दुखानायखौ बांहोनायनि



थांखिजों आरो हदतनि दाब- दाब जायगानि बायदियै बिटिसिनि फरायसाफोरनो अखामा बिज्ञाननि सोमोन्दे जान होनायनि थांखिजों सा-सान्जा हालामनि गेजेरनो गिबि खेव भ्य'मिका स्पेस एकाडेमि आरो

बिटिसि खुंथायनि गेजेरव दिने मोनसे बुजिलायनाय गोरोबथायाव मुंसाय होयो। मख'नो गोनांदि, सा-सान्जा ओन्सोलनि गेजेरवनो बे गोरोबथानि गेजेरजों गिबि (□ 5 बिलाइआव)

नाबार्डनि आइजो बिबानगिरि-मावफारियाफोरा ट्राइबेल जौगाखां बिथांखिफोरखौ नायगिदिहैदों



तामलपुर, 23 फेब्रुवारी: तामलपुर जिल्लानि नागिजुलि जौगाखां खोन्दोनि सिडाव थानाय भातरबारि आरो कालसेनि

गामिनि रंखान्थियारि महरै लोरबां आबादारिफोरनि मदत जानाय बायदियै माहारियारि आबाद आरो गामि जौगाखां बेंकनि

रांखान्थियारि अन्सुंथायजों मावफुंनाय 'जथाय ट्राइबेल जौगाखां बिथांखि'आव दिने नाबार्डनि गुवाहाटी दखरा मावफारियाफोरा 1य बिबानगिरिनि मोनसे हान्जाया नायगिदिहैयो। माहारियारि आबाद आरो गामि जौगाखां बेंक नाबार्डनि रंखान्थि अन्सुंथायजों सरकारि नडै फसंथान गामियारि जौगाखां मन्थिनि बान्जायनायाव 6 जोसोरनि मोनसे बिथांखिजों (□ 5 बिलाइआव)

कक्राझारनि जात्रा-सि एक्टि स्टुडिय' हान्जाया नेसनेल स्कुल अफ ड्रामाजों खुंजानाय जन भारत रंग हाबाफारियाव बाहागो लानो खाबु मोन्दों

कक्राझार, 23 फेब्रुवारी: थुनफावथायनि फोथाराव बिटिआर हालाम जर'खायै कक्राझार हालामनि थाखाय मोनसे गोजोनथाव खौरं। कक्राझारनि जात्रा हान्जाया माहारियारि थाखोनि थुनफावथाय दिन्थिफुंनायाव बाहागो लानो खाबु मोन्दों। बर' सावथुन मुलुगनि रंगथि गोनां मुंदांखा फावगिरि आरो नेसनेल स्कुल अफ ड्रामा (एनएसडि) डिग्री मोन्नो हानाय जयन्त नाजिरिनि देदेनाय आरो बिथांनि बिथोन



होनाय कक्राझारनि जात्रा-सि एक्टि स्टुडिय' हान्जाया नेसनेल स्कुल अफ ड्रामा, गोदान दिल्लीनि बान्जायनायाव खुनाय

जन भारत रंग हाबाफारियाव बाहागो लानो खाबु मोन्दों। भारत रंग माहत्सभ-2024 नि 25थि बोसोरारि सान फालिनायनि लोब्बायै नेसनेल स्कुल अफ ड्रामाया (□ 5 बिलाइआव)

रुपामनि बाथौ धोरोमनि मिरु माधि फुर्निमा आरो बोसोरारि जथुम खुदों

भवानिपुर, 23 फेब्रुवारी: बाक्सा जिल्लानि सालबारि महकु मानि सिडावथानाय खामारदैसानि रुपामनि बाथौ मन्दिखव बर' हारिनि दोरोडारि रुपामनि बाथौ धोरोमनि सानथामनाडै गेदेर हाबाफारिजों मिरुवारि 44 (□ 5 बिलाइआव)

दान बान्था बांहोनो दाबिनानै अंगनबादि मावफारिया आरो हेफाजाबगिरिफोरा सोमावसारदों

गसाइगाव, 23 फेब्रुवारी: अंगनबादि मावफारिया आरो हेफाजाबगिरिफोरनि दानबान्थाखौ बांहोनो दाबिनानै दिने गसाइगावआव अंगनबादि मावफारिया आरो हेफाजाबगिरिफोरा गोखों सोमावसारो। आसाम राइज्योआरि अंगनबादि



मावफारिया आरो हेफाजाबगिरि आफादआ थांनाय 15 फेब्रुवारीनिफ्राय खावलायनाय खामानि दोन्थ'नानै सोमावसारनाय हाबाफारिया दिने थुंगेनायनि लोब्बायै गसाइगावआव थानाय जथाय गथ'सा जौगाखां बिथांखिनि (□ 5 बिलाइआव)

गोब्राब बेरामजों सन्देर जानाय बेराम जानायफोरनो गिबि मन्थिनि अन्सुंथाय रनि चेक गथायदों

तामलपुर, 23 फेब्रुवारी: तामलपुर बियाबनि गुबुन गुबुन ओन्सोलनि रंखान्थियारि महरै गोलेसोनाय नख'नि गोब्राब बेरामजों सन्देरजानाय सा 23 सुबुंफोरनो दिने गिबि मन्थि अन्सुंथाय रनि चेक गथायनाय होदों। बिटिआरनि बिजेपि दोलोनि बिसायख'जानाय

एमसिएलए, तामलपुर मन्डल बिजेपिनि आफादगिरि हेमन्त कुमार राभाआ तामलपुर द्वाराकु सि, के के रिक्कु सि, देपेलि, बारंगबादि, कालाकुसि, सकामारि, पुनिया, उलुबारि बायदि माखासे गामिनि केन्सार आरो बिखानि (□ 5 बिलाइआव)

रुपामनि बाथौ धोरोमनि मिरु माधि फुर्निमा आरो बोसोरारि जथुम खुदों

सरुपेटानि सानै काराटे गेलेगिरिफोरा जाफुंसारदों

भवानिपुर, 23 फेब्रुवारी: अल इण्डिया शिट'रिड काराटे ड' आफादनि गेजेरजों गुवाहाटीनि रिहाबारिआव खुंफुंजानाय काराटे ग्रेदि आन्जादाव बरपेटा जिल्लानि सरुपेटानि सापारबारि गामिनि थागिरि काराटे गेलेगिरि जितु पाठक आरो बविमनि दासआ जाफुंसार महरै दिन्थिफुंनो हादों। मख'नो गोनांदि, जितु पाठकआ (□ 5 बिलाइआव)



बिएइसबि फरायसालिमाया नाकनि बि++ ग्रेड मोन्नो हादों

सालबारि 23 फेब्रुवारी: बरपेटा जिल्लानि सरुपेटयाव थानाय बिएइबि फरायसालिमाया 2.93 पन्थ मोन्नानै 'नाक'नि बि++ ग्रेड मोन्नो हादों। मख'नो गोनांदि, गामियारि सोलौंथायाव उन जानानै थानाय फरायसालिमानि बेबायदि जाफुंसारनायाव फरायसालिमानि बिबुंगिरिफोर, मावफारिया, आथिखालनि आरो बारग'



फरायसाफोरजों लोगोसे जायगानि राइजो-राजाफोरा

गोजोन्नाय फोरमायनायदों। (□ 5 बिलाइआव)

राइज्योनि गोथौ ओन्सोलनि सुबुंफोरनि थाखाय जौगा माननि देहा सिबिथाय होनायनि बिथिडव माहारियारि देहा मावथांखि

गुवाहाटी, 23 फेब्रुवारी: देहा आरो नख'र अन्साय, फाहामथाय सोलौंथाइ आरो रिसार्स बायदि बिफाननि मन्थि केशव महन्तिनि बिथोन बादियै दिने सन्जिवनि-गामि आरो देहा फु वारनाय हाबाफारि सिबिथायनि थाखाय माहारियारि देहा मावथांखि, आसामनि गाहाइ मावखुलियाव माहारियारि देहा मावथांखि आसामनि मावथांखि



बिथोनगिरि डा: अमएस लक्ष्मी प्रिया आरो नजिब हाजिरिका,

हाबाफारि बिथोनगिरि, पिरामल (□ 5 बिलाइआव)

शराइबिल ओन्सोलनि राइजो-राजाफोरनि थाखाय गोजोनथाव खौरं नाजिरि फार्मआ बेसेननाडै देहा आन्जाद खालामनाय बाद खुंनो साखा-फारा

गसाइगाव, 23 फेब्रुवारी: कक्राझारनि सासे जाफुंसार अमा फिसिग्रा आबादारि आरो समाज सिबियारि राहुल नाजिरिनि देदेनाय नाजिरि फार्मआ शराइबिल ओन्सोलनि राइजो-राजाफोरनि थाखाय मोनसे मोजां खाबु लानानै फेदों। फेगो 25 फेब्रुवारी, रबिबार सानखालि



गसाइगाव महकुमानि सिडाव थानाय जमदुवार फरायसालिमानि साखाथि शराइबिल जगेन्द्रपुर गुदि फरायसालियाव सानसेनि हाबाफारिजों नाजिरि फार्मनि हेफाजाबजों गुबुन गुबुन रोखोमनि बेरामनि थाखाय बेसेन (□ 5 बिलाइआव)

रां दाहार होग्रा सा 14 सुबुंफोरखौ पुलिसआ खादों

बरपेटा, 23 फेब्रुवारी: आसाम सरकारनि बिथोन बायदियै दासान्दि राइज्योनाडै रां दाहार होग्रा सुबुंफोरनि हेंथायै नायबिजिरनाय हाबाफारिया गोखोडे सोलिगासिनो दड। बेबायदिनो बरपेटानिफ्राय दिने सा 14 रां दाहार होग्रा सुबुंफोरखौ पुलिसआ खाबावदों। पुलिसनि सुतुनिफ्राय मिबिथिनो मोनाय



बायदिब्ला, राइजो-राजाफोरनिफ्राय कम्प्लेन्ट मोन्नायनि उनाव बरपेटा पुलिसआ नायबिजिरनायनि गेजेरजों बरपेटा ओन्सोलनि दाब-दाब जायगाफोर जैरै-बरपेटा, बरपेटा रड, हाउलि, सभक पुलिस थानानि सिडाव थानाय गुबुन गुबुन जायगानिफ्राय गासै सा 14 रां (□ 5 बिलाइआव)

सुजुगिरिनि खोलोम

फेग्रा मुवा आरो इयुन हाब्जा

समाजाव सोरबाया गात्रि मुवा फान्नानै मुलाम्फा आर्जिदों आरो सोरबाया बे गात्रि मुवाखोनो बायनानै जिउनि हथिन्यायखौ अबथिरायै गुसुं खालामनानै लानादों। बे रोखोमनि जाथायफोरा गुबुन समाजाव जैरै खैफोद गोनां महैरै गोसारनो लादों बिब्दिनो जॉनि समाजावबो बे रोखोमनि गात्रि मुवाया सानफा एफा गोसारनानै गोबांखोनो बेनि बोलि जानानायबो नुनो मोन्नाय जायो। समाजनिफ्राय बेनि फार्सें गोखों नोजोरै रहा लानायखौ नुनो मोनाब्बाबो खुंथायखोनो बेनि हेंथायै गोखों रहा लानायखौ नुनो मोन्नाय जादों। खुंथाया गोखों आखाइजों दवथायनो लानायनि जाउनावनो फेग्रा मुवानि फालांगिखौ एसे बाडय जाबोनायबो नुनो मोन्नाय जादों।

फेग्रा मुवा एबा ड्रगस जानाय बाइदि गात्रि आरो गिथाव-बाथाव हुदाखौ जॉनि माखासे गोलेँफोराबो बोजबनानै गोबाडनो नागरनो हायै जाना खायफाया अबथिरा जिउ गोमा नांगसिनो आरो खायफाया नख'रखौ गोजोन गैयै थासारियाव खोखैनायबो नुनो मोनो। टाउन सहरनिल' बाश्रा नड, गामि सिंनि गथ'-गथायफोराबो बे गात्रि आखुखौ बोजबनानै लानो हाया बेनि सायाव नोजोर लाखिनांगोन। बिसोरनि गेजेराव गोरों-गोरा, समाजनि मान गोनां सुबुंफोरनि नख'रनि गथ'फोरबो थानाय नुनो मोनो। जॉनि हादतसानि एबा बिटिआर. हालामनि राइजो-राजाफोरनि गेजेराव सांग्रांथि नुनो मोना। फेग्रा मुवा, जैरै- गान्जा, डेनड्राइट आथा, जौखौ हाथाय बाजारफोराव गोलेँयैनो मोनफुडे, बेखायनो गथ'-गथ' सेंग्रासाफोरनो बेफोर मुवाखौ बाहायनानै नागरनो हायै जालांबाय। जौखौ हाथाय-बाजाराव लांदाडैफान्नाय हुदाखौबो जॉनि समाजनि सुबुंफोरा दासिमबो नागरनो हाया जाबाय। फरायसा गथ'फोराबो हाथाय-बाजाराव फान्नाय जौखौनो लोनो सोलौंबाय, उनाव लोंग्रा हुदायाबो बांलांबाय। मुलिन गलाफोरवबो बायब्लानो मोन्नाय फेग्रा मुलि करेक्स, दखानाव मोन्नाय डेनड्राइट आथाखौ बायनानै गथ'-गथ'फ्रा बाहायनायखौ खोनानो मोनसोगारो।

सुबुं समाजा गोलेँफोरखौ बे बाइदि गात्रि हुदानिफ्राय रैखा खालामनायनि माबाफोर राहा लादों ना? नुनाय बाइदिदयै जॉनि समाजाव बे बाइदि गात्रि आखुफोरखौ गोलेँ गथ'साफोरा नागारो बेनि जेबो राहा लानायखौ नुवाखै। जॉनि समाजाव गोखों समाजारि आफाद दं होना बुब्बा एबसुखौनो बुंनड जागोन। एबसुवा गोसो जायोब्बा फरायसा गथ'फोरनि गात्रि आखुखौ नागारहोनायनि राहाखौ लानो हागौ। एबसुनि अनगायै गुबुन समाजारि आफादफोरा बेनि राहाखौ गोखोडै लानो हायाबो जानो हागौ। समाजनि दैदेनगिरि मेलेम गोनां सुबुंफोरा समाजनि गोलेँफोरनि गाहाम इयुनिनि थाखाय गोथोयै साननो गोनां जाबाय।

दिनेनि फान्जामुथि

राशि बाइदिदयै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ट (ण ष)
तुला : त र बृश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

मेघ: बायदिसिना जालु-जाला जानायजों देहाया खस्ट मोनखानो हागौ। गोसोखौ हमथानांगोन।

वृष: हरखाबै माबाफोर मुवा-बेसाद मोनो हागौ। गोसोखौ गोजोन मोनो हागोन. मोजां सान।

मिथुन: माखौबा लानानै जिंगायाव गोलैबायनो हागौ। गोसोखौ हमथा। थासारिया मोजां नड।

कर्कट: माबाफोर मोजां खामानियाव आगान होजेनो हागोन। बे राशिनि थाखाय गाहाम सान।

सिंह: सान्नाय-हनाय गोहोआ गोमालांनो हागौ। गोसोखौ लोरबां लानो नाड। गोसोखौ हमथा।

कन्या: जेखि जाया जेना-जेंसियाव गोलैबायनो हागौ। गोजोन्नाय गैयैजों सम बारहोनांगोन।

तुला: मोजां रोंगथिनि थाखाय बयजोंबो बाखाय जानो मोनगोन। थुलुंगानाय मोनगोन। मोजां सान।

बृश्चिक: लो गो-दिगि जालायनाया बांलांगोन। लो गोनि दौलेँआ रोगा जागोन। मोजां सान।

धनु: बबेबा खामानिनि आगान सुरनायाव हेंथा मोनो हागौ। सान्नाया फेलें थानो हागौ।

मकर: लटरि लानायाव माबाफोर मोनानयनि आसा दड'। बे राशिनि थाखाय गाहाम सान।

कुम्भ: दिनेनि दिनआव गोबां खामानि मावनांनो हागौ। गोसो हमथानानै सोलिनंगोन।

मीन: माबाफोर खामानि-दामानि मोनानयनि सुबिदा मोनो हागोन। गोजोन्नाय मोनगोन।

आबादारि आफादआ दिने गोसोम सान फालिदों

चन्डीगढ़, 23 फेब्रुवारी: जुथाइ आबादारि आफाद (एसकेएम) आ दिने गोसोम सान फालिदों। बेनि गेजेरजों जुथाइ आबादारि आफादआ हादतनि सुबुंफोरखौ न' आरो गरिफोराव गोसोम फिफरफिला लागायनो आरज गाबदों। अदेबानि हारियाणा पुलिस आरो पान्जाबनि आबादारिफोरनि गेजेराव थानाय बुधबारखालि जानाय दावराव-दावसियाव आबादारि शुभकरण सिं (21) नि जिउ गोमादों मोन। बेनि हेंथायै आबादारि आफादआ दिने गोसोम सान फालिदों। एसकेएमनि बायदिल्ला, आबादारिफोर 26 फेब्रुवारीयाव



गासै रजा लामाफोराव ट्रेक्टर रेलि ओंखारगोन आरो 4 मार्चआव दिल्लीयाव गिदिर पन्चायत खालामगोन। बेरा फारसे आबादारि सोमाव सारनाया दावराव-दावसि जानायनि उनाव हारियाणा पुलिसखौ एक्सन मुडआव नुनो मोन्दों। सरकारि सम्पतिफोरखौ खहा खालामनायनि थाखाय सोमावसाखाफोरनि सम्पतिखौ लाफिननो आरो बेंक एकाउन्टखौ सिज खालामनाय

जागोन। एसकेएमनि दैदेनगिरि बलबीर सिं राजेवालआ खोरंगिरिफोरनि सिगाडाव बुडोदि, खनैरी सिमनायाव सासे बिसोरनि नख'रनो 1 कौटि रनि अन्सुंथाइ होनांगौ। बठिडा जिल्लानि शुभकरण सिंखौ संगरुर-जिंद सिमनायाव खनैरीनिफ्राय गंसे देहा फाहामसालियाव थैनाय अबस्तायाव लांनाय जादोंमोन। बे दावराव-दावसियाव सा 12 पुलिस मावसुमाफोराबो जोखोम जादोंमोन। सुलुंनि बायदिल्ला, एसकेएमआ शुभ आरो खनैरी बडंशव थासारिखौ सावरायनि थाखाय थानाय बृहस्पतिबारखालि मोनसे जथुमा खालामो। पान्जाब, हारियाणा आरो गुबुन राइज्योफोरनि माखासे एसकेएम दैदेनगिरिफोरा बे जथुमायाव बाहागो लायो। बेयाव गोबां आबादारिफोर 'दिल्ली चल' खौ फोसावनायनि गेजेरजों ज' जादों। आबादारि आफादनि दैदेनगिरिफोरा सासे आबादारि थैनायनि उनाव बुधबारखालि बे रेलिखौ सान्नेनि थाखाय दोन्थ'दोंमोन। नाथाय बिसोर शुक्रबार बेलासियाव गावसोरनि उनिनि हाबाफारिखौ थि खालामगोन होना बुडे।

मिरु सरकारा जम्मु-काश्मीर स्टार्टअफ निति 2024-27 खौ गनायथि होबाय


जम्मु-काश्मीर, 23 फेब्रुवारी: मिरु सरकारा जम्मु-काश्मीरजों जौगाखां खालामनो थाखाय लान्थियै खामानि मावगासिनो दड'। राइज्योयाव सावसिन इन्फ्रास्ट्रक्चरनिफ्राय लानानै खामानिनि खाबुखौ बांहोनो थाखाय गिदिर इन्भेस्टमेन्ट खालामगासिनो दड'। आर्थिखालाव बे बिथिडव लेडाइ राइज्यो बेंगिरि मनज सिन्धानि दैदेन्यायाव जम्मु-काश्मीर खुंथाइयारि परिषद (एसि) नि जथुमायाव जम्मु-काश्मीर स्टार्टअप निति 2024-27 खौ गनायथि होदों। बे थांखिजों राइज्योयाव लाइमोनफोरनि उद्यगफोर बानायनाय जागोन बिजनेसनि मुलुगाव जौगाखांनो हागोन। फारसेथि गोबां अनजिमानि लाइमोनफोरा खामानिबो मोनगोन। सरकारनि फारसेनिफ्राय होनाय खौरनि बायदिल्ला बे नेम-खान्थिनि थांखिया फैगौ 5 बोसोराव जम्मु-काश्मीराव 2 रोजा स्टार्टअप थियारि खालामनाय। बिबुंथिनि बायदिल्ला, जम्मु-



काश्मीर सरकारआ 250 कौटि रनि भेन्चार केपिटेल फान्ड गायसनगोन। बे फान्डआव मेक्सिमामै 25 कौटि रां थिसनगोन। भेन्चार केपिटेल फान्डआ गाहायै जम्मु-काश्मीरनि गनायथि मोन्नाय स्टार्ट-अपयाव इन्भेसमेन्ट खालामगोन। रंखान्ति बिफाननि सुबुंफोरजों फान्ड गानो आरो बेखौ बाहायनायनि थाखाय गुवार राहाफोरनि सायाव खामानि मावनाय जागोन। जेकेइडिआइनि गेजेरजों गनायथि मोन्नाय स्टार्टअपखौ 20 लाख रंसिमनि सिड फान्डिं महैरै खौसेयै हेफाजाब होनायनिबो नेम-खान्थि दड', जाय स्टार्टअप्सनि थाखाय मोनसे नडेल एजेन्सि। सिड फान्डिंनि थाखाय बोसोफोमबो 25 स्टार्टअपनि सिमाना दड, जाय मोननो हानाय बाजेट आरो सामलायनाय अनजिमायाव स्टार्टअपखौ गोहोम गोनां महैरै मदत होनो गोसो जानायनि सायाव थि खालामनाय थांखि। सरकार 2 रोजा स्टार्टअप गायसन्तो थाखाय थांखि लादों। नाथाय खम अनजिमायाव सांग्राडै सायख'नाय स्टार्टअपखौ सिड फान्डिं होनानै सरकारा रंखान्थियारि जौगाखांनयनि थाखाय गुन गोनां बिबांखौ गुदि बिथा होनो हागौ। बोसोरथामनि थाखाय स्टार्टअप नेम-खान्थिखौ जौगाखां होनायनि थाखाय बाजेटआरि होनाय 39.60 कौटि रनि जागोन।

आमेरिकानि एआइ कम्पनी एनभिडियानि शेयारआव 16.4 जौखोन्दो रिकर्ड थिसन्दो

गोदान दिल्ली, 23 फेब्रुवारी: आमेरिकानि टेक कम्पनी एनभिडियानि आर्जिथाइयाव गोखों ट्रेन्ड नुनो मोन्दों। आमेरिकान शेयार बाजाराव बृहस्पतिबारनि बिजनेस सेसनआव एनभिडियानि शेयारआव रिकर्ड महैरै 16.4 जौखोन्दो दावखोनाय नुनो मोन्दों आरो बेयो 785 डलारनि रिकर्ड थाखोसिम सौहेंदों। एआइ चिप्सनि गोखों दिमान्डआनो कम्पनीनि शेयारआव बांनयनि गाहाइ जाहोन, जायनि जाहोनाव कम्पनीनि आयआ 3 गुन बांगोन होना आसा खालामनाय जादों। आर्थिखालाव एनभिडिआनि आरजिनो हानाया आमेरिकानि इन्भेस्टमेन्टनि गेजेराव सावरायनायनि आयदा जानानै दड। कम्पनीनि मार्केट केपआ गिदिर-गिदिर कम्पनीफोर जैरै- गुगोल, फेसबुक आरो एमाजननिफ्रायबो



बांसिन जाबाय। फारसेथि एनभिडियानि मार्केट केपआ 2 ट्रिलियननि साखाथियाव। एनभिडियाआ थांनाय बोसोराव गावनि इन्भेस्टारफोरनो 231 जौखोन्दो रिटर्न होदों। 6 दानाव बेनि शेयारआ 66 जौखोन्दो बांदों। सोलिफु बोसोरनि जागायजेन्नायनिफ्राय दासिमाव बेनि शेयारआ 63 जौखोन्दो बांबाय आरो थांनाय दानसेयाव बेनि शेयारआ 31 जौखोन्दो रिटर्न होदों।

मालद्वीपआव फिन चीननि संदानग्रा जाहाज नुनो मोन्दों



गोदान दिल्ली, 23 फेब्रुवारी: भारत लैथोमायाव रैखाथिखौ लाना जिंगा सिनायनि गेजेरावनो चीननि रिसार्च सिप एबा संदानग्रा जाहाजआ मालद्वीपआव सौहेंदो। गंसे चीननि संदानग्रा जाहाजआ बृहस्पतिबारव मालद्वीपसिम सौहेंदो। गंसे चीननि संदानग्रा जाहाजआ भारत लैथोमायाव दावबायफे दोंमोन आरो भारतनि मालद्वीपजों जेना गोनां जानायनि उनाव चीननि बे बांसिन जादों। ग्लबेल सिप-ट्रेकिंग डेटानिफ्राय मिबथिनो

मोनोदि, गंसे चीननि संदानग्रा जाहाजआ बृहस्पतिबारव मालद्वीपसिम सौहेंदो। गंसे चीननि संदानग्रा जाहाजआ भारत लैथोमायाव दावबायफे दोंमोन आरो भारतनि मालद्वीपजों जेना गोनां जानायनि उनाव चीननि बे बांसिन जादों। ग्लबेल सिप-ट्रेकिंग डेटानिफ्राय मिबथिनो मोनोदि, गंसे चीननि संदानग्रा जाहाजआ बृहस्पतिबारव मालद्वीपसिम सौहेंदो। गंसे चीननि संदानग्रा जाहाजआ भारत लैथोमायाव दावबायफे दोंमोन आरो भारतनि मालद्वीपजों जेना गोनां जानायनि उनाव चीननि बे बांसिन जादों। ग्लबेल सिप-ट्रेकिंग डेटानिफ्राय मिबथिनो

हाइ कर्टआ मैतेइ हारिनि एसटि दाबिनाय थांखिखौ नेवसिनायखौ कुकि हारिआ बरायदों

इम्फल, 23 फेब्रुवारी: मैतेइ हारिखौ एसटिआव सोफानायनि सायाव सावरायनायनि बिथोनखौ केन्सेल खालामनायनि मनिपुर हाइ कर्टनि थांखिखौ कुकि आफादफोर मोजां जादों होनानै बरायदों। बेराफारसै मैतेइ आफादफोरा बुंदोंदि, एसटि मोन्नो थाखाय बिसोरो सोमाव सारनाय खौ सोलिहोलांबाय थागोन। एसटि दाबिनाय समिति मनिपुर (एसटिडिसिएम) नि गाहाइ नेहाथारि किथेलकपाम भगेनआ बुंदोंदि, बे आयदाया आबुडै न्यायारि केस नड आरो बिसोरो एमएलएफोरजों सावरायनायजों लो गोसे गावसिनि नाजानायखौ



सोलिहोलांबायनि थिरांथा लादों। वर्ल्ड मैतेइ काउन्सिलनि प्रेसिडेन्ट हेयुजाम नबास्यामआ बुंदोंदि, कर्टनि थांखि फोसावनायनि उनावबो एसटि खथानि थाखाय दाबि दैखानाया थालांबाय थागोन। बेराफारसै जमी काउन्सिल स्टियारि कमिटीनि हेफाजाबगिरिफोरा थांखिखौ बरायदों। आइएलएफनि बुंथिगिरि गिंजा थुआलजंआ मैतेइ हारिनि दाबिखौ ओरैनोसो होन्नानै बुडोदि, बेयो आदिबासिफोरनि हाखौ दखलआव लानायनि थांखिजों थुलुंगांनय। बिथाड बुबावोदि, एडभान्स गुप जानायनि गेजेरजों मैतेइ हारिआ एसटिखौ दाबि खालामनो नाडमोन।

सोनाब वंगआव ममताआ कंग्रेसनो मोन 2 सिटफोराव बिसायख'थि गेलेनायनि अफार होदों



सोनाब वंग, 23 फेब्रुवारी: दिल्लीयावबो सिट रानायखौ लानानै आम आदमी पार्टी आरो कंग्रेसनि गेजेराव सावरायनाया जोबथा खोलोबाव दड आरो मोनैबो बाहागोआ थाबैनो गावसोरनि जुथाइ दोलोखौ फोसावनो हागौ। सुलुंडा बृहस्पतिबारखालि फोरमायनाय बायदिल्ला, मोनैबो बाहागोफोरा सिटफोरनि रादायनि सायाव गनायथिनाय फोरमायदों। सुलुंनि बायदिल्ला, एएपिआ खोला दिल्ली, सोनाब दिल्ली, सा-सोनाब दिल्ली आरो गोदान दिल्लीनि मासिफोराव बिजाथि फसंगोन आरो कंग्रेसआ तान्दनी चौक, सान्जा दिल्ली आरो सा-सान्जा दिल्ली सिटफोराव बिसायख'थि गेलेगोन।

महारायारि राजथावनिनि गासै मोन 7 लकसभा सिटफोरा आर्थिखालाव भारतीय जनता पार्टी (बिजेपि) नियाव दड। बेरा फारसे कंग्रेस आरो आम आदमी पार्टीनि गेजेराव गुजरात आरो हारियाणायावबो गनायथि होदों। सुलुंनि बायदिल्ला, कं ग्रेसआ आपनी हारियाणायाव मोनसे आरो गुजरातयाव मोनै मासि होनो थांखि लादों। हारियाणायाव आपआ गुरुग्राम एबा फरिदाबादिनि गेजेराव जायखि जाया मोनसे मासियाव बिसायख'थि गेलेनो हागौ आरो गुजरातआव भरुच आरो भावनगर लकसभा मासिया आपनि बाहागोयाव थांनो हागौ।

गाहाइ मन्थि नरेन्द्र मदिआ भारणासीआव माखासे मावथांखिफोर लादों

गोदान दिल्ली, 23 फेब्रुवारी: गाहाइ मन्थि नरेन्द्र मदिआ अन्थोब बक्स लानाने भारणासी सौहेदों। बृहस्पतिवारनि मोनायाव बिथाड बिरखं गाथोनिक्राय भारेका गेस हाउससिम मोनसे रड स्व' खालामदों। गाहाइ मन्थि मदिनि रड स्व' आ फ्राय 24 कि:मि: सिम सोलिटोम। दिने गाहाइ मन्थि मदिआ 11,000 कौटि रंनि 24 मावथांखिफोरखौ बेखेवगोन आरो 2,195 कौटि रंनि 12 मावथांखिफोरनि अन्थाइ खाम्फाबो गायसनो। बेबायदिनो गाहाइ मन्थि मदिआ दिने काशीआव 13 रोजा कौटिनि बांसिन रंनि अन्थोब होनो थांगासिनो। गाहाइ मन्थि मदिआ शुक्रवारनि फुडव काशी हिन्दु मुलुगनां सोलोसांलिनि स्वातन्त्र भवनआव एम.पि. गियान बादायलायनाय, एम.पि. पट'ग्राफि बादायलायनाय आरो एम.पि. संस्कृत बादायलायनायि बाहागो लागिरफोरजों सावरायो। बिन



उनव 11:15 रिंगासोयाव बिथाड सीर गबर्धनआव सेन्ट रबिदासनि जोनोम थावनिवावबो दावबायहैयो। बिथाड गुरु रबिदासनि 647थि जोनोम सान फालिथायाव बाहागो लायो। बेनिफ्राय बिथाडा सन्यासिफोरखौ लोगो हमगोन आरो मोनसे सुबुंगोमायाव बिबुंथि होगोन। गाहाइ मन्थि मदिआ दिने आमूल बानास डेयरी प्लान्टखौ बेखेवगोन। बानास डेयरी प्लान्टआ काशीनि मोन्नाय

आबादारिफोर आरो मोसौ फिसिग्राफोरनि अन्जिमायाबो नै गुन जागोन। कम्पानीया बोसोरनि जोबनायाव गाइखेर दिहुनग्राफोरनो गावनि मुलाम्फानि मोनसे जौखोन्दोबो होगोन। नैथि मावथांखि जायखौ गाहाइ मन्थिआ दिने बेखेवगोन थांगासिनो दड, बेयो जादों स्पर्टस कमप्लेक्स। बेयाव मोन 10 बेडमिन्टन कर्ट, गं 4 बिलियडेस टेबल, गं 2 इन्डर बास्केटबल कर्ट, गं 20 टेबल टेनिस आरो अलिम्पिक साइजनि सुइमिं पुलफोर थागोन। बेजों लोगोसे मोन 15 इन्डर गेमनि थाखाय कम्पान्डफोर बानायनाय जादों। बेनि थांखिया हादतनि थाखाय मेडल लाबोनो हानाय गेलेरिफोर सोरजिनाय। भारणासीनि लामा फोनांजाबनायखौ आरोबाव साबसिन खालामनो थाखाय गाहाइ मन्थि मदिआ एनएइस-

233 नि घारगारा-भारणासी दालां खोन्दोखौ बेखेवगोन आरो अन्थाइ खाम्फा गायसनगोन। ओन्सोलाव दारिमिन जौगानायखौ थुलुंगा होनो थाखाय गाहाइ मन्थि मदिआ सेवापुरीयाव एइसपिसिएलनि एलपिजि बटलं प्लान्ट, युपिएसआइडिएएग' पार्क कारखीयानभआव बानास काशी क्लास्टर मिल्क प्रसेसिं इडनिटखौबो नायगिदिगोन। इडपिएसइडिएएग' पार्क, कारखीयानभ'आव बायदि रोखेमनि बिथायारि सान्जाथाव खामानिफोर आरो सि दग्राफोरनि थाखाय सिल्क पेट्रिक प्रिन्टि कमन पिसिलिटि सेन्टरखौबो बेखेवो।

गोदान दिल्ली, 23 फेब्रुवारी: कंग्रेसनि बारा' आफादगिरि राहुल गान्धीआ झारखन्ड हाइकर्टनिफ्राय गिदिर सोमोनांथाव थांखि खोनासंनो मोन्दों। 2018 आव बिजेपिनि आफादगिरिनि सायाव बिबुंथि होनाय केसआव कर्टआ केसखौ फोजोबनो राहुलनि आर'जलाइ गथायनायखौ नेवसिगारदों। बे केसआव सिभिल कर्टआ राहुल गान्धीनो समन दैथायहरदोंमोन। सिभिल कर्टनि समन मोन्नायनि उनाव राहुल गान्धीआ हाइकर्टआव केसखौ फोजोबनो थाखाय आर'जलाइ गथायदोंमोन। मख'नो गोनांदि, राहुल गान्धीआ थांनाय 2018 आव



बै समनि बिजेपि आफादगिरि अमित शाहनि हेंथायै जेना गोनां बिबुंथि होदोंमोन। बेखौ लानाने रान्सिनि लवार कर्टआव केस थिसन्दों मोन। सिभिल कर्टनिफ्राय समन मोन्नायनि उनाव कंग्रेसनि दैदेनगिरि राहुल गान्धीआ रान्सि हाइ कर्टआव बे केसखौ फेजेबनो थाखाय आर'जलाइ

भारतनि गुबुन गुबुन बाहागोफोरव बोथोर सोलायनाया जागायबाय

गोदान दिल्ली, 23 फेब्रुवारी: भारतनि गुबुन गुबुन बाहागोफोरव दासान्दि बोथोर सोलायनो हमदों। बेराफासैं अखा आरो बरफ गोलैगासिनो दड आरो बहाबा गरमआ जागायबाय। दिल्ली, हरियाणा आरो पान्जाबजों लोगोसे सा भारतनि गुबुन गुबुन बाहागोफोरव फैगौ सप्ताहआव आरोबाव मोनसे वेस्टार्न डिस्ट्रिब्युन्सि गोहोमखौ नुनो मोन्नो हागौ। बिफाननि बादिब्ला, समबारनि उनाव दिल्लीआव बहाबा-बहाबा सरासन्ना अखा हानो हागौ। लोगोसे हरियाणा आरो पान्जाबआव गोहोमखौ बांसिनो नुनो मोन्नो हागौ। बेनि



जाहोनाव दिल्लीनि बिदुडव दासिमबो गोखैयै सोलायनायखौ नुनो मोन्नाय जायाखै। बोथोर बिफाननि बादिब्ला, सा-सान्जा भारतआव फैगौ साननैनि गेजेराव अखा हानो हागौ। अरुनाचल प्रदेश आरो सिक्किमआव गोबां अखा आरो बरफ गोलैनो हागौ। जम्मू-काश्मीरनि मोन 8 जिल्लाफोरनि थाखाय बरफ गिसिखानायनि सांग्रांथि फोसावदों। बान्दिपरा, कुपवाड़ास, बामुला, डडा, रामबन, पुन्ड, किशतवाड़ा आरो गान्दरबलआव गेजेर थाखोनि अलखद गोनां बरफ गिसिखानो हागौ। आइएमडिनि बादिब्ला, शनिवारखालि सोनाबयारि

नारिसिथाया सोनाब हिमालयनि ओन्सोलखौ गोहोम खोखौनो हागौ। बेनि जाहोनाव बेयाव 24 फेब्रुवारी आरो 25 फेब्रुवारीआव सरासन्ना अखा हानो हागौ। बिफाननि बादिब्ला, समबारखालि हिमाचल प्रदेश, उत्तराखन्ड आरो सा पान्जाबनि माखासे जायगाफोरव सरासन्ना अखा हानो हागौ। नागालेण्ड आरो आसामआव दिने शुक्रवारखालि गोबां अखा हानो हागौ। बेराफासैं उरिष्याआव गरम बोथोरआ जागायबाय। उरिष्यानि गासै जायगाफोरव साननि बिदुंखौ 35 डिग्री सेल्सियासनिखुइ बांसिन दैखानो मोन्नाय जादों।

फैगौ 27 फेब्रुवारीआव भडाफन आइडियानि बिथोनगिरि आफादनि जथुम्मा जागोन

गोदान दिल्ली, 23 फेब्रुवारी: उद्यम बिगोमा आरो आदित्य बिडुला हान्जानि चेयारमन कु मार मंगलम बिडुलाआ नोगोद रंनि अलखदजों भुगिनांवाय थायाय टेलिकम कम्पानी भडफन आइडियाखौ लानाने बुडोदि, बाइजोआरि इन्भेस्मेन्ट खालामग्राफोरखौ सरजाबनो नाजानाया सोलिगासिनो दड। बे बायदि इन्भेस्टमेन्ट खालामग्राफोरखौ थाबैनो सरजाबनायनि सायाव सौनाय सौंथिनि फिन्नायाव बिडुलाआ बुडोदि, जों गहामै जौगांखोहोगासिनो दड। नाथाय बेनि थाखाय जेबो थि समाय सिमाखौ फोरमायनो हाया। पिटिआइनि खौरांनि बायदिब्ला, हान्जाआ बिडुला अपसपेन्टसनि जुथाय अपरेशनखौ बृहस्पतिवारखालि जागायो। बिडुलाआ जों भडाफन



आइडियाखौ लानाने थांखि लाबाय होना बुडो। खौरांनि बायदिब्ला, भडाफन आइडियानि बिथोनगिरि आफादनि 27 फेब्रुवारीखालि जथुम्मा जागोन। जथुम्मायाव रंखांथि बुधुमनाय थांखिनि सायाव सावरायनाय जागोन। भडाफन आइडियानि नेट लसआ 2023 नि डिसेम्बरआव जेबथा 3 दाननि गेजेराव खम जानाने 6,986 कौटि रं जायो। बे समाव साफ्रोमबो बाहायगिरिफोरनि एभारेस्ट खालामनायावबो सावसांदों।

कम्पानीआ बोसोरसिनि सिगां बे 3 दाननि गेजेराव 7,9990 कौटि रंनि नेट लस जादोंमोन। भडाफन आइडियानि शेयारआ 1 जानेवारीआव जागायजेन्नाय फालांगिरियावबो 15 जौखोन्दो बांदोंमोन। बै समाव बेयो बिएसइआव 18.42 रंनि गोदान 52 उइक हाइ ले भेल बानायदोंमोन। 22 फेब्रुवारीआव कम्पानीनि शेयरा 6.19 जौखोन्दो बांनयजों लोगोसे 16.30 रंआव बन्द जायो। भडाफन आइडियाआ थांनाय माखासे समनि गेजेराव गावसोरनि गोबां बाहायगिरिफोरखौ खोमादों।

इन्साट-3 डिएसखौ गावनि जायगासिम दोनहरनो हानाबै इसर'आ जारिमिन सोरजिदों

गोदान दिल्ली, 23 फेब्रुवारी: भारतयारि अखांमा सदानग्रा(इसर')आ मोनसेबाव जाफुंसारनो हादों। इसर'आ बोथोरनि सेटेलाइट इन्साट-3 डिएसखौ भु-स्टेसनारि



अर्बिटाव सौहैहोनायाव जाफुंसार जायो। बृहस्पतिवारखालि इसर'आ एक्सआव बुंदों, मिसननि गासैबो 4 लिकुइड अपजी मटर (एलएएम) फाइरिआ आबुं जाबाय। इन्साट-3 डिएसनि 24 फेब्रुवारिसिम इन-अर्बिट टेस्टि (आइएटि) आव सौहैनायनि आसा दड। बेनि सिगां इसर'आ शनिवारखालि थायथि जोलैनि बोथोर नायबिजरा सेटेलाइट इन्साट-3 डिएसखौ लन्च ख 1 ल 1 म 2 0 मोन। जियसिन्क्रनाइज सेटेलाइट लन्च भेहिकल (जिएसएलभि) एफ-14 आ श्रीहरिकट्टानि सतिश धावन अखांमा मिरुनिक्राय इन्साट-3 डिएसजों लोगोसे उरायदों। गासै 20 मिनिट उरायलांनयनि उनाव 2,274 कि:ग्रा: लिस्थायनि इन्साट-3 डिएसखौ जियसिन्क्रनाइज ट्रेसफार अर्बिटाव दोनहरदों। इन्साटनि आबुं ओंथिया जादों इन्डियान नेसल सेटेलाइट सिस्टेम। मिसननि थांखिआ इन्साट-3 डि (2013) आरो इन्साट-3 डिआर (2016) जों बोथोरनि आपडेट डाय, ह आरौ लैथोमा सा बाहागोफोरखौ नोजोर लाखिनाय, बोथोरनि इयुन हमदंनय आरो खैफोद सांग्रांथिनि थाखाय सिबिथायफोरखौ थाद'नाय गैथै जगायनाने होनाय। बे मिसननि समाय सिमनाया 10 बोसोर जानयनि आसा दड।

रसिया-इउक्रेन दावहारखौ होबथानायाव भारतआ गाहाइ बिफाव लानो हागौ

रसिया-इउक्रेन, 23 फेब्रुवारी: रसिया आरो इउक्रेन दावहाया बोसोरनै आबुं जालांसिगोन। बे दावहायाव बुथारनायफोरबो खम जायाखै। फारसेथि, रसियाआ इउक्रेननि माखासे सहरफोरखौ सिलिंखार खालामदों। बेर फारसे, इउक्रेनआबो रसियानि सायाव गोलोबफिन्नानै मिसाइल आरो इउनजों गाग्लोबदों। बे दावहाखौ इयुनाव जोबनायनि लामायाव नुहराखै। आथिखालाव बेनि गेजेरजों इउक्रेनआ बे दावहाखौ होबथानायाव भारतनि बिफावनि सायाव जेबो गिदिर बिबुंथि होयाखै। रसिया आरो इउक्रेननि गेजेराव सोलिनाय दावहानि गेजेरजों इउक्रेननि लेडाइ गुबुन हादतयारि मन्थि इरिना बरवेत्सआ भारतखौ ग्ल'बेल साउथरनि



सोदोब होनना फोरमायदों। लोगोसे बुंदोंदि, रसिया आरो इउक्रेननि गेजेराव सोलिबाय थानाय दावहाखौ गोजोनै बोसोनायनि रहा नागिरनायाव मख'जाथाव बिफाव लानांगौ। अदेबानि भारतआ जेब्लाबो

इउक्रेननि फारसेनिक्राय फैदों। बिसोर दावहा होबथानायाव भारतनि बिफावखौ मख'जाथाव होना फोरमायदों। रसिया-इउक्रेन दावहाया 24 फेब्रुवारीयाव बोसोरनै आबुं जासिगोन। अब्लाबो बे दावहाया जोबनायनि मुं लायाखै। माखासे हादतफोरनि गेजेर थाखोयाव थानायनि उनावबो बे दावहाया जोबनो थाडाखै। इउक्रेनआ सोनाबारि हादतफोरनि मदत मोन्नायनि जाहोनावबो बे दावहायाव लावदों। मानोना रसियाआबो हारसिडेबो दावहा नांनयाव जाफुंसारनो हादों। बेराफारसे, इउक्रेनआबो रंखांथि आरो सान्थिफोरनि लान्थियै मदत मोनगासिनो दड। इरिना बरवेत्सआ फोरमायनाय बायदिब्ला, इउक्रेनआ मार्च दानाव सुइटजारलेण्डयाव जानो गोनां मुलुगयारि गोजोन शिखर जथुमानि थाखाय भारतखौ खावलाय हरदों। बेयाव भारतनि मख'जाथाव बिफाव दड'। भारतआ गोजोननि रहा नागिरनानै बोसोनायनि बाहागो जानांगोन।

No.: BLM/POC/DES/2023-24/21 Dated Kokrajhar the 23 February /2024

Notice Inviting Tender
INVITATION FOR EXPRESSION OF INTEREST (EOI)
For
Design Works: Consultancy for design of tea stalls, hygienic meat shop, and overall design of Bodofa Livelihood Mission.

Bodofa Livelihood Mission, BTC invites Expression of Interest (EOI) from competent consulting agencies for undertaking brand building of the Mission and various livelihood projects under the Mission.

The blank tender forms and the detailed information regarding EOI document may be collected from the office of the Mission Director, Bodofa Livelihood Mission.

The Agency/ Consultant will be short listed and included in the panel based on their technical proposal, qualifying the eligibility criteria and other terms and conditions mentioned in the EOI document. The Mission reserves rights to reject any or all applications without assigning any reasons thereof and the decision shall be final and legally binding on all the applicants.

Name of assignment	Design Works: Consultancy for design of tea stalls, hygienic meat shop, and overall design of Bodofa Livelihood Mission.
Tender Fee	Rs. 2500/- (non-refundable)
EMD Fee	Rs. 10000/-
Last date of receipt of EOI	01/03/2024
Opening of EOI	02/03/2024

The agency/organisation should apply with their credential/ information/ testimonials as per the terms and conditions of attached Annexures.

Sd/- Mission Director,
Bodofa Livelihood Mission,
BTC, Kokrajhar

IPR(BTC)-2023-24/1448

No.: BLM/POC/OFFICE/2023-24/16 Dated Kokrajhar the 23 February/2024

NOTICE INVITING TENDER

Sealed tenders affixing a non-refundable court fee stamp of Rs. 8.25 (Rupees-Eight and paise twenty-five) only are invited from registered Contractors/Firms/suppliers or Proprietors for office set-up for the Office of the Mission Director, Bodofa Livelihood Mission. The tender will be received up to 2.00 PM of 01/03/2024 and will be opened at 3.30 PM on the same date or subsequent working day if it falls on Govt. Holiday or half-Holiday in the presence of the intending tenderers or their authorized representatives by the undersigned. However, the tender will be opened even if no representative remains present at the time of opening of the tender papers.

Interested parties may collect the relevant tender documents from the office of the undersigned from 2:00PM, 23/02/2024 to 1:00PM 01/03/2024 during office hours. This is in favor of information to all concerned.

Sd/- Mission Director,
Bodofa Livelihood Mission,
BTC, Kokrajhar

IPR(BTC)-2023-24/1449

No.: BLM/POC/WWW/2023-24/17 Dated Kokrajhar the 23/02/2024

Short Notice Inviting Tender (SNIT No.: BLM/POC/WWW/2023-24/18 dtd. 23/02/2024)

Sealed tenders affixing a non-refundable court fee stamp of Rs. 8.25 (Rupees Eight and paise twenty-five) only are invited from registered Contractors/ firms/ suppliers or proprietors for Website Development of Bodofa Livelihood Mission. The tender will be received up to 3.00 PM of 01/03/2024 and will be opened at 4.30 PM on the same date or subsequent working day if it falls on Govt. Holiday or half-Holiday in the presence of the intending tenderers or their authorized representatives by the undersigned. However, the tender will be opened even if no representative remains present at the time of opening of the tender papers.

Interested parties may collect the relevant tender documents from the office of the undersigned from 2:00PM, 23/02/2024 to 1:00PM 01/03/2024 during office hours. This is in favor of information to all concerned.

Sd/- Mission Director,
Bodofa Livelihood Mission,
BTC, Kokrajhar

IPR(BTC)-2023-24/1450

No. SCDB/MISC/36/Pt-1/2022-23/2625 Dated: Sidli the 07th Feb, 2024

AUCTION NOTICE

It is hereby notified for general information of the public that condemned unusable materials will be disposed off through auction on 26th Feb, 2024 at 2.00PM. by the undersigned. Auction is strictly subject to the following terms and condition:-

- The bidder should submit sealed quotation in plain paper affixing non refundable court fee stamp amounting to Rs. 8.25 (Rupees Eight and paise twenty five) only along with the photo copy of the Registration No., PAN card, Aadhaar card, Voter Id, Labor License, etc.
- Bid should be accompanied with earnest money Rs. 5000/- (Rupees Five Thousand) only, in the form of demand draft in favour of BDO, Sidli-Chirang Dev. Block, Sidli. Failing which bidder shall not be considered for participating in auction process.
- Sealed bids along with earnest money in the form of demand draft should be submitted in the office of the BDO, Sidli-Chirang Dev. Block, positively on 29th Feb, 2024 up to 2.00 P.M. which will be opened on same day at 3.00 P.M.
- The condemned unusable materials are to be auctioned may be inspected by interested bidder in the premises of the BDO, Sidli-Chirang Dev. Block on any working day during the office hours.
- The Successful bidder will make payment in cash or demand draft of the auction value to the BDO, Sidli-Chirang Dev. Block / Director, P&RD, BTC, Kokrajhar before receiving the materials if any relating to the auction materials.
- The successful bidder should receive auction materials within 7 (Seven) days from the date of auction.

BDO, Sidli-Chirang Dev. Block, Sidli reserves the rights to accept or reject any bid without assigning any reason thereof.

Sd/-
Block Dev. Officer,
Sidli-Chirang Dev. Block, Sidli

IPR(BTC)-2023-24/1451

भारतनि गासैबो दैमाफोरखौ बिमा महरै सिबियोब्लाबो मोनसे दैमाआ हौवा महरै सिबिजायो

भारतआव गोबां दैमा-दैसा, दै बाब्रुम, बिलोफोर दड। जायफोरखौ दैनि बिगोमा, दैनि मोदाइजो महरै सिबिनाय जायो। जेरै गंगा, यमुना, सरस्वति, गदावरि, नर्मदा आरो गोबां। बेफोरखौ भारतआव बिमा महरै सिबिनाय जायो। नाथाय बेफोर दैमाफोरनि गेजेगव मोनसे दैमा दड; जायखौ हौवा होन्नानै मानिनाय जायो। बे दैमायाल' भारतनि मोनसेल' दैमा, जायखौ जोला आथोन एबा हौवा महरै सिबिनाय जायो। भारतनि गोजाम बिजाब भेदफोरावबो बे बाथ्राखौ रायखानाय जादौंदि, भारतआव बेयो दौंसे एरैबादि दैमा, जाय मोनसेल' हौवा महरै दड। बे दैमाया सा-सान्जा भारतनि दरखं होन्ना बु'जानाय आसाम राइज्योआव दड। बेनि मुडानो जादौं बुलुबुथुर। बे सोदोबनि



ओंथिया जादौं ब्रह्मानि फिसाज्जा। बेनिखायनो बे दैमाया हौवानि महराव दड होन्नानै मोन्दांथियो। भेद आरो पुरणफोरनि बादिब्ला, बुलुबुथुर दैमाखौ भगवान ब्रह्मा आरो अमघ ऋषिनि फिसाज्जा होन्नानै गनायथिनाय जादौं। अमघआ ऋषि शान्तनुनि बिसिमोन। भारतनि बे हौवा दैमानि

गोलावआ 916 कि:मि:। बै दैमाया तिब्बतआव मानसरखरनिफ्राय सोमजिखानानै अरुनाचल प्रदेशजौं भारतआव हाबफैदौं। बेनिफ्राय आसामआव बोहैबोनानै बंगप लैथोआव गोरलैयो। बुलुबुथुरखौ तिब्बतआव सांप मुडै आरो भारत हादरआव हाबफैना नै अरुनाचल प्रदेशआव बेखौ दिहं

आरो आसामआव बुलुबुथुर मुडै मिथिजायो। सिगां फार्सें बोहैलानानै गंगा आरो बुलुबुथुरआ ज'जाहैयो आरो बेनि उनाव बेखौ मेघना दैमा होन्नानै गाबज्रियो। बेयो मुलुगनि 9 थि बयनिखुइबो गुवारसिन दैमा आरो आसामआव बुलुबुथुर गैमा गेजेगवो मुलुगनि देरसिन दैमा द्वीप माजुलिआ दड।

रंजालि गथ'फोरनि सौरा

फागुन नों दानदिसे नेथ'

फागुन नों दानदिसे नेथ'
नोंनि बारनाय बाराव
आं दाबो जावलिया जायाखै,
फागुन नों दानदिसे नेथ'
नोंनि फ्रि-फ्रि अखायाव
आंनि देहाया दासिमबो सिगलाबाखै,
फागुन नों दानदिसे नेथ'
सुमब्लि बिबार मानडार बिबार दा सिरिहोथ%
आंनि रेखाया दासिमबो नुजायाखै!
फागुन नों दानदिसे नेथ'
बिखा खामै खामै
मोदै रथ' रथ' लाना आं थानांगोन!
फागुन नों दानदिसे नेथ'
आंनि हसारनाय खानाय बिलाइ
आइलि जाइलि दा खालामथ'
आंनि जारौ खावलाइआव
आबिर दा फोनांथ'
फागुन नों दानदिसे नेथ'!
जेब्ला सफैगोन समा अब्ला नों
देवलनि आबिर सारफावना नै
आंनि जौमोन सोलेराव गाब गाफै
आंनि गोरबोआ खुसिजौं रंजाखांगोन।

टेट्राकटिस खन्थाइ

जाय
उनदै
बिलियाव
जुलि जादौं
बिनो हौवा गारै गारै खारदों

जाय
हौवा
जानानै
हरदम समाव
खामानि मावा अब्ला हिनजावा..

जाय
हौवा
गारना नै
खारबाय थादों
गोनांथि बिलियाव मोनै थाखाय

जाय
हौवा
गारना नै
खारबाय थादों
गोसोनि मिजिनाय मोनै दाहा

जाय
हौवा
गारना नै
खारबाय थादों
एखर एखर हौवाफोरा बायगार

जाय
हौवा
गारना नै
खारबाय थादों
हरदम हौवा हिनजाव नेरलाय लायनाय

लिरगिरि-रैदोम बरटेट्राकटिस खन्थाइ
डुडुथुथु*

ऋदुदुसतदु ऋदुदुथु
10*05रू(8 ऋथुहहहह डुदुथु)
हथु ददु

जाय
उनदै
बिलियाव
जुलि जादौं
बिनो हौवा गारै गारै खारदों

जाय
हौवा
जानानै
हरदम समाव
खामानि मावा अब्ला हिनजावा..

जाय
हौवा
गारना नै
खारबाय थादों
गोनांथि बिलियाव मोनै थाखाय

जाय
हौवा
गारना नै
खारबाय थादों
गोसोनि मिजिनाय मोनै दाहा

जाय
हौवा
गारना नै
खारबाय थादों
एखर एखर हौवाफोरा बायगार

जाय
हौवा
गारना नै
खारबाय थादों
हरदम हौवा हिनजाव नेरलाय लायनाय

-रैदोम बर',
माजुदिया, बगुलामारि,
बाक्सा,

नों फैफिन माब्लाबा

-जनक उजिर

नोंदि एरायलांदो
दोंसे लामाजों गले-गले
बाइदि समाइना गोदे रावफोरखौ
आंदि दोनखोमा फिनाडो।
माब्रैथो सानखो नों
जेसेखि नों होखोमाया
नोंनि मुश्रीयानोथ' हने बुडो
बिदिब्ला आंनि दाइया ???
आं मिथिगौ नोंनि बिखाया
इनाइखौदि इसेबो सहाइया
बेखाइसो नामा नों
आगानफ्रामबो दग'-मग' !!!
बाइराब गंसे देरायावनो
बिमाजों उन्दुबोनाइ उफ्ले-उफ्ले
फुथिया-फुथिया सोल्लोनाइ
सानेजों अ,आ बिमानि राव
दाखालिसो बे देरायावनो खोनासनाइ
दुखुनां बडुनि जारिमिन सल'
दिने गोसो गैयाब्लाबो
मानोबा नों बावगारनो सानो।
नंखाइ दाइयाव बोराबप्टेनानै
मंगिललायोल' जों सानैजों !!!
थेवबो फेसि-फेसिल' आं बेयो
बाइप्लेनाइ देराखौ फाहामफिन्नो
जेराव थागोन नों-आं आरो.....।

गोरिब सुबुंनि मोजां मोननाय

मोजां मोनदोंमोन आं
नोंखौनो गोबों बिखाजों
गोसो गोबोंनि अन्नायखौ
नोंनो नो होजोब दोंमोन आं।
आंनि अन्नाय होनाया
नोंनि थाखाय थोयै-लोमै;
गोसोम महर लाना जायो नों
आंजों मानिबा रागा-रागा।
आंनि दुखु दाहानि खौरां फोरमायो
नाथाय नों मिनिनानैनो खोमाखौ
फांथेयो,
आंनि अन्नाय होनायखौ
नेवसिबाय नों आंखौ-
गोरिब सुबुं होननानै।
दुखु थाबाय आं अनजालि
नोंजों बे जोनोमाव जुलि जानो,
सा-साज्रां गोसोजों नोंखौ
मोजां मोनदों होननानै-
आं सानाखैमोन अनजालि।
नोंनि आंनि दानदिसे मोजां
मोननायनि रावआ आंनि-
बिखायाव बावनो हाये
थफ्ला खानानै थाबाय अनजालि
बे आंनि गोरिब जिउआव।

उपेन्द्र बसुमतारि
जायनारि एडस एस स्कुल
ला: सो:- सिम्बरगाव
जिला- कक्राझार, आसाम

अननायनि दौलें

जोनोमनि नैबे थांजासिम होनानै,
सानदोंमोन आं गोजोनै थानो हागोन,
गैया नाथाय आंहा गोजोन।
अननाय मोजां मोननाय दंब्लाबो,
दुखु दाहानि गेजेरजोंसो।
जिउनि लाइमोन बैसोआवनो
होप्लांबाय आं नोंनो अननायनि दौलें।
लांनोबाय आं दुखु दाहा
गोरबो सिंनिफ्राय बोहैनाय
जिरि जिरि मोदेनि निजोरा
राहा गैया हमथा हानो आंहा।
आंनि मेगननिफ्राय बोहैनाय मोदेआ,
जानांगो अननायनि रुंगु गैये लैथोनिखा।
दड अननायनि मिजिनि सायाव आंहा,
हेंथा हिंसि दावराव दावसि दुखु-दाहा।
रंजानाय मिनिनाय गैया आंहा,
हांमा हांसानि गेजेरजोंसो मिजिं दं.
आंनि लायमोन बैसोखौ बिदाय हरनो,
अब्ला हरनाय मोननाय नडामोन।
गोरबोयाव बोहैनाय नडामोन मोदेनि निजोरा
अननायनि गोदैं रावा जाफुंडेब्ला मिजिनि
सायाव,
मोनगौमोन दिने सुबुंनिफ्राइ बाखोनायनाय,
गोरबोयाव बोहैगौमोन सुखुनि मोदै।

समेन नाजौरि
जोमा बड फरायसालि
प.अ. - पाटगाव

दिवाना

हाय ! अनजालि नोंनि हायना
महरा खावना लांबाय आंनि
आजोला गोसोखौ,
दिवाना जाबाय आं नोंखौ
जीउनि लामायाव लोगो मोन्नानै।
फैलाव हायेनि गेजेराव गेवलां
महरै बारखोमाना थानाय नों
बारसे समायना गलाब बिबार।
मा' एसेबां हायना गोनां स'ना
नोंनि महरा, मा एसेबां मुहनि
गोनां नोंनि गोदै रावआ।
जाना थाबाय अनजालि नोंनि
महरा' आंनि गोरबो इंसियाव
अरायनि थाखाय गोमोर रोडै
थाज महल जाना।
नोंखौदि आं बेसेबांबा मोजां मोनबाय-
स'रि-सरि- चुपके-चुपके जालांबाय आं
दिल तो पागल है।
आजोला बैसोनि आलासि जीउयाबो
नोंखौ लानानै जालांबाय दिवाना!!!

अनजालि सर्गियारि
बाक्सा

बिसारसिं बसुमतारि
जनता कलेज सेरफांगुरि
गामि- पाटगाव (उलुबारि)

ENGAGEMENT UNDER SAMAGRA SHIKSHA, ASSAM

No. SSA/Esstt/Engagement/Translator/172/2024/10557


The Samagra Shiksha, Assam invites online applications from Indian Citizens (as defined in Articles 5 to 8 of the Constitution of India) for the under mentioned position under Samagra Shiksha, Assam on contractual basis. The online applications will be received from **24.02.2024 to 08.03.2024**. The posts are temporary in nature and the selected candidates will be initially engaged for a period of 11 (eleven) months only. The contractual engagement will neither be regularized under Samagra Shiksha, Assam nor will be absorbed under any job/programme of Government of Assam in future and no person (s) so engaged shall have any right (s) to claim for permanent absorption in any post (s) in the government or in the Samagra Shiksha, Assam.

Age for categories of post : The candidate should not be less than 18 years of age and not more than 62 years of age as on 01-01-2024. The age limit of the candidates will be calculated on the basis of the Matriculation/HSLC Admit Card or Pass Certificate issued by a recognized Board/ Council and no other document shall be accepted in lieu of the mentioned documents.

Sl No	Name of the Post	Essential Qualification and Experience	Pay in Pay Band in Rs.	Grade Pay in Rs.	No. of Post	Place
1	Translator - Bodo	• Master Degree in literature of subject of Bodo, proven experience and expertise in translation and adaptation. • Must be computer literate	14000-49000/-	8700/-	01	State Mission Office

N.B.-

- The link of the recruitment portal will be available in the Samagra Shiksha website <https://ssa.assam.gov.in>
- Read the User Guidelines carefully which is available on the recruitment portal on how to submit the online application form.
- Claims for any correction will not be entertained after submitting the online registration and online application.
- Before filling the on-line application, applicant has to go through the User Guidelines for online registration and online application.
- Candidate must upload the supporting document of educational qualification, experience and others through portal.
- Only eligible candidates will have to appear in test/interview, the exact date of which will be communicated separately.
- A candidate must be in good mental and bodily health and free from any physical defect likely to interfere with the efficient discharge of his/her duties as an Officer of the service.
- The exact date & time of the Test/ Interview will be communicated to the shortlisted candidates separately.
- Marking pattern will be on General Awareness, Personality & Aptitude, Subject matter in relevant field, Relevant Experience, etc. for the post. The applicant has to obtain minimum 50% of the total marks on the above in the interview and only then the candidates will be short-listed.
- The office will not be responsible for any non submission of online application due to any error or other problem.
- The decision of the Selection Committee in all aspects and all respects pertaining to the application and its acceptance or rejection as the case may be, conduct of test and at all consequent stages concluding in the selection or otherwise of any candidate shall be final in all respects and binding on all concerned. The Mission also reserves its right to alter and modify time and conditions laid down in the notification for conducting the various stages up to selection or withdraw the Notification at any time, duly intimating details thereof to all concerned, as warranted by any unforeseen circumstances arising during the course of this process, or as deemed necessary by the Mission at any stage.


 Sd/-Mission Director
Samagra Shiksha Assam
Kahilpara, Guwahati-19

Janasanyog/DF/2824/ 23/24-Feb-24

(1 बिलाइनिफ्राय)

(1 बिलाइनिफ्राय)

डुमडुमायाव हानि पाट्टा रानायजों लोगोसे माखासे जौगाखाडारि बिथांखिफोरखौ बेखेवदों आरो अन्थाइ खाम्फा गायसन्दों

सेउजपुर जानानै 15 नं. माहारियारि राजा लामानि त्पुकसिम लामा लुनाय, गौरिपुर लामानिफ्राय बेटिजान जानानै कृष्ण मन्दिर आरो सत्यलता गौ आयत न'सिम लामा लुनाय, मुर्गिखना जानानै दारी साहा बागाननिफ्राय धुमकुन्दासिम जानानै लुजानो गोनां 2.20 कि:मि: गोलावथिनि लामा, बडलाभेटा रसि लाइन लामा, रायदं साहा बागान जानानै हाहचरा सारियालिनिफ्राय माहारियारि राजा लामा- 15 सिम लुजानो गोनां लामा, रुपाय साहा बागाननि मेनाजार बालानिफ्राय डिसाजान गामि पन्चायत मावखुलिंसिम लुजानो गोनां लामा, बागजान पिडब्लिड लामानिफ्राय डियामली नगामाटिसिम लामा लुनाय, डिसाजान साहा बागाननिफ्राय 7 नं. लाइन लामा लुनाय, साहा पेक्ट्रिनिफ्राय टिनदलं बरदुबिसिम लामा लुनाय, पुनियाजान जानानै आमगुरि सटसंघ मिरुनिफ्राय भितर र्देंमिसिं गामिसिम लुजानो गोनां लामा, कुमसां नासरी (मेथाइ सारियालि) निफ्राय सावरा लाइन लामा, बडलाभेटा सिं लाइन लामा आरो पुतिकाजान डिभिडननिफ्राय 17,37,22 आरो 27 नम्बर लाइन जानानै 25 नम्बर लाइनसिम लुजानो गोनां लामाजों लोगोसे गासै मोन 17 लामानि अन्थाइ खाम्फा गायसन्दों। बे लामाफोरखौ लानानै 36.66 कौटि रं बाहायजागोन। बेनि अनगायैबो गिबि मन्थ्रिआ गासै 3 कौटि रं बाहायनानै लुजानो गोनां रुपाइ गोजौ फरायसालिनि न' आरो 67.58 कौटि रंजों लुजानो गोनां डुमडुमा नोगोर लोंगा दै जगायथाय बिथांखिनि अन्थाइ खाम्फाखौबो गायसन्दों। बिथाड लोगोसे गासै 21 कौटि रं बाहायनायजों ओन्सोलनि गं 15 साहा बागानाव लुजानो गोनां मोन 15 जगनाथ जुथाय आरो स्क्रिल चेन्टरखौबो अन्थाइ खाम्फा गायसन्दों।

दिनैनि बे हाबाफारियाव गिबि मन्थ्रिआ बुंदोंदि, हादतआ उदांस्त्रि मोन्नायनि 7 जिथाइनिखुडूबो बांसिन सम बारलानायनि उनावबो राइज्योयाव राइज्योनि गोबां अन्जिमानि थागिबि सुबुंफोरा पाट्टा मोन्नायनिफ्राय जानगाराव थाबोनांदोंमोन। आधिखालनि राइज्यो सरकारआ बेनि थाखायनो मिसन बसुन्थरनि गेजेरजों सरसनस्त्रा सुबुंफोरनि हा-हुनि सोमोन्दे जेना-जेंसिफोरखौ सुखानि थांखि आजावनो लादों। गिबि मन्थ्रिआ फोरमायदोंदि, हानि पाट्टा गथायनाय हाबाफारिनि गेजेरजों दिनै तिनीसुकिया जिल्लायाव हानि पाट्टा गथायजानाय सा 31,608 नि गेजेराव डुमडुमा बिधान सभा बियाबनि सा 7 रोजा, शदिया बिधान सभा बियाबनि सा 12 रोजा, डिगबय बिधान सभा बियाबनि सा 4,583, तिनीसुकिया बिधान सभा बियाबनि सा 627, मार्शेति बिधान सभा बियाबनि सा 4,637 आरो माकुम बिधान सभा बियाबनि सा 2,761 सुबुंफोरा हानि पाट्टा मोनो हादों। हाबाफारियाव गिबि मन्थ्रिआ बुंदोंदि, थागिबि सरसनस्त्रा सुबुंफोरा पाट्टा मोन्नायनि गेजेरजों राइज्योनि इयुन जौलैआ रैखाथि गोनां जागोन। 2026 माइथायनि गेजेराव राइज्योनि हा-हुनि जेनाखौ सुखानाय जागोन होन्ना मख'नानै गिबि मन्थ्रिआ बुंदोंदि, राइज्यो सरकारआ आधिखालाव मिसन बसुन्थर 3.0 नि साखा-फारा जानायखौ जागायजेन्दों आरो बे 3 थि खोलोबयाव धोरोगारि आफाद, सोलेंथाय फसंथान, अंगनबादी मिरु बायदिजों लोगोसे राइज्योयारि आफाद-फसंथाननिबो पाट्टा गथायनाय जागोन। गिबि मन्थ्रिआ बुंदोंदि, आधिखालनि राइज्यो सरकारनि मावफुं समाव गासैबो हरि-हारिसाया समान मोन्थाय मोन्नो हादों आरो राइज्यो सरकारआ साफ्रोमखौबो समान नोजोरजों नायनायनि थाखाय राइज्योनि जेनाफोरबो फारियै बाइड जानो लादों। गिबि मन्थ्रिआ राइज्योनि सेंग्रा-सिख्लाफोरनि थाखाय 1 लाख मासियाव थिसन्नाय, 42 लाख नख'रारिफोरनिसिम रेसन कार्ड गथायनाय, साहा स्मिकनि दान-बान्थाखौ बांहोनाय, साहा हारिनि सेंग्रा-सिख्लाफोरनि थाखाय सरकारि साखियाव 3 जौखोन्दो सैरखाथिनायनि रहा। अरुन्दय बिथांखिनि गेजेरजों 27 लाख सुबुंफोरखौ लाफानायनि थांखि लानायनि बाश्राखौ बुंदोंदि, 2 खावसे बोसोरनि गेजेरावनो राइज्योयाव मोनफा-मोनफायै सोलायथाय फैनो लादों। गिबि मन्थ्रिआ मख'दोंदि, सेंग्रा-सिख्लाफोरखौ उद्यगयारि महरै सोजिनायनि थाखाय गिबि मन्थ्रिआ गाव गसंथानो हानाय बिथांखिनि मोगा-मोगि लानाय हाबाफारिआ थाबैनो जागायजेनगोन। गिबि मन्थ्रिआ हाबाफारियाव बुंदोंदि, सुटनि फालांगि खालामग्रा सुबुंफोरनि हेंथायै सरकारआ जागायजेनाय सिप्रोमनाय हाबाफारिनि बाश्राखौबो मख'दों। बिथाड लोगोसे फोरमायदोंदि, डुमडुमा बियाबनि सिडव थानाय गंफ्रोमबो साहा बागानाव राइज्यो सरकारआ एम्बुलेन्स गथायगोन। हाबाफारियाव साहा जनजाति आरो आदिबासि अन्साय बिफाननि मन्थ्रि सन्जय किसान, एमपि प्रधान बरुवा, एमएलएफोर रुपेश गवाला, भास्कर शर्मा, सुरेन पुकन, देउरि अटनमास कार्डन्सिलनि गहाइ मावफुं सोद्रोमा शैर देउरिजों लोगोसे माखासे मान गोनां सुबुंफोरा बाहागो लाफैदों।

बिटिआर सरकार आरो भ्यमिका स्पेस एकाडेमिनि गेजेराव बुजिलायनाय गोरोबथानि मुंसाइ खालामदों

खेबनि थाखाय बिटिसि ओन्सोलाव अख्रामा बिज्ञान आयदानि सोमोन्दे फरायसाफोरनि गेजेराव सोलेंथाइ होनायजों लोगोसे जाखंबोनाय गोदान जोलैनि गेजेराव बिज्ञान सोलेंथाइनि फासै नोजोर बोगोन। मख'नो गोनांदि, कक्राझार सहरनि चान्दामारिआव थानाय बड'फा हरिमुवारि मिरुनि सावराय न'ब्लाडव दिनै मोनसे हाबाफारि खुंनयनि गेजेरजों बिटिसिनि गहाइ मावफुं सोद्रोमा प्रमद बर'नि नुजाथिनायव बिटिसिनि जानानै सोलेंथाइ सेक्रेटारि अमरुन्ज्यति बर्मन आरो भ्य'मिका स्पेस एकाडेमिनि जानानै गहाइ मावफुं बिबानगिरि गबिन्द यादबआ बुजिलायनाय गोरोबथायाव मुंसाय होयो। गोरोबथानि बादिब्ला फैगौ 3 दाननि गेजेराव भ्यमिका स्पेस एकाडेमिआ बिटिसिनि गं 10 गोजौसिन गेजेरारि फरायसालियाव अख्रामा बिज्ञान लेब रैटि (स्पेच लेब) गायसनगोन। बेनिनो दबोरगाव गोजौसिन गेजेरारि फरायसालिआव अख्रामा बिज्ञान लेब रैटि लुनाय जागोन। खौरं बिजौनि सिगाडव बिटिसिनि गहाइ मावफुं सोद्रोमा प्रमद बर'आ दिनैनि सानआ मोनसे गोनांथार सान होन्ना फोरमायनानै बिटिसिनि फरायसाफोरनि गेजेराव बिज्ञाननि फासै नोजोर बोनायाव बे गोरोबथाया मदत होगोन होन्ना बिथाड फोरमायनायजों लोगोसे साबा फरायसाफोरखौ इसर'आव नायगिदिहैनायनि रहा लागोन होन्नाबो फोरमायो। लोगोसे आसामनि दाब-दाब जायगानि फरायसाफोर अख्रामा बिज्ञाननि रिसासै लेबआव सोलेंथाइ लागोन होन्नाबो बिथाड फोरमायो। गुबुन फासैथिं, भ्यमिका स्पेस एकाडेमिनि गहाइ मावफुं बिबानगिरि गबिन्द यादबआ बिथांमोनहा बिटिसिनि फरायसाफोरनि गेजेराव बिज्ञाननि फासै गोसो दुंखांहोनायनि अनगायैबो बेनि गेजेरजों बिज्ञानिक सोर्रजिगोन होन्ना बुडे। लोगोसे अख्रामाआव मा दड' बयबो मिथिनो नागिरो बेनिखायनो बे लेबआ गायसनजाब्ला फरायसाफोरनि गोसोनि गोबां सौंथिनि फिन्नाय मोनो हागोन होन्नाबो बिथाड बुडे।

नाबाडनि आइजो बिबानगिरि-मावफारियाफोरा ट्राइबेल जौगाखां बिथांखिखौ नायगिदिहैदों

बागान आबाद मावनाय जादोंमोन। 3 बोसोर सिगांनिफ्राय जागायजेनाय बे बिथांखिनि गेजेरजों आबादारिफोर जौगा माननि थाइजों, सुमफ्राम आरो लेबु बिफां गायदोंमोन। 3 बोसोरव आबादारिफोरनि बे बागान आबादआ मोनसे गोदान खारथाय मोन्नो हादों। नायगिदिहैनायनि समाव गामि जौगाखां आफादनि सोद्रोमाफोरजों लोगोसे बिथांखिनि सोमोन्दे सावरायनायजों लोगोसे आबादफोरखौ नाय गिदिडे। नायगिदिनाय समाव नाबाडनि नलबारि जिल्ला डिडिएम उतपल बेजबरुवा, गुवाहाटी मावखुलिनि बिबानगिरि अन्नपुर्ना बेकेर, गामियारि जौगाखां मन्चनि जानानै लेडइ आफादगिरि प्रान्जल चक्रबर्टी आरो बिथांखि क-अर्डिनटर ताइतास बेक, पताइ बर' आरो आबादारिफोर बाहागो लायो। मख'नो गोनांदि, दिनैनि बे नायगिदिहैनाय समाव नाबाडनि आइजो बिबानगिरिफोरबो बे दरनै गामिनि माखासे आइजोफोरजों आगु आइजो सान फालिनाय जायो।

शराइबिल ओन्सोलनि राइजो-राजाफोरनि थाखाय गोजोनथाव खौरं
नाडै आयुबैडिकनि मुलि हरनाय आरो फाहामथाय होनायनि मोनसे बादा खुंनो थि खालामनाय जादों। नार्जिरी फार्मनि सामलायगिरि राहुल नार्जिरीआ फोरमायनाय बायदिब्ला, खुंनो लानाय बे देहा बादयाव ब्लाड प्रेसार, सुगार आरो थैनि गुपखौबो आन्जाद खालामनायजों लोगोसे बेसेन नाडै फाहामथाय आरो गोनांथि बायदिदै बेसेना नाडै मुलि हरनाय जागोन। बेनिखायनो फैगौ 25 फेब्रुवारीखालि शराइबिल जगेन्द्रपुर गुदि फरायसालियाव खुंनो लानाय बे देहा आन्जाद खालामनाय बादयाव बाहागो लाफैनानै गाव-गावनि देहाखौ आन्जाद खालामजानो आरो फाहामथाय लाफैनो थाखाय शराइबिल ओन्सोलनि राइजो-राजाफोरखौ खालायहरदों।

गसाइगाव महकुमा लुफुंथाय मावफारिया आफाद दादों

महकुमानि गुबुन गुबुन ओन्सोलाव राजमिखि, काथमिखि, लामा लुफुंथाय मावफारिया बायदि गुबुन गुबुन लुफुंथाय खामानियाव थिसनजानाय मावफारियाफोरनि मोन 17 खाबु मोन्नायनि गहाइ आयदाखौ लानानै खुंनय मेलाव मावफारिया आफादनि राइज्योयारि आफादगिरि चान्द माहमुद आहमेदआ बाहागो लायो। मेलाव मावफारियाफोरनि गुबुन गुबुन जेनाफोरनि सायाव गुवारे सावरायनानै इयुनाव मावफारियानि जेनाफोरखौ सुखानो थाखाय मावफारिया आफादनि मावनो गोनां खामानिफोरनि सायाव बोसोन होयो। मख'नो गोनांदि, रैजिस्ट्रेशन गोनां मावफारियाफोरनि दानआरि बेसिक पेखौ 2 रोजानि सोलायै 5 रोजा रं आरो बोसोरारि बनास 100 रंनि सोलायै 200 रं, मावफारियाफोरनि गथ'फोरनि सरकारि खाबुफोर सिगांनि रुजुनायाव नै गुन खालामनाय आरो मावफारियानि खाबुफोरखौ दाबि खालामनायनि 4 दाननि गेजेराव होनो थाखाय मेलनि गेजेरजों सरकारनि खाथियाव दाबि देखाडे। मेलाव सितुर राइज्योआरि आफादगिरि असिम दत्तजों लोगोसे माखासे गागि सुबुंफोरा बाहागो लायो। मख'नो गोनांदि, बे मेलाव हाइदर आलिखौ आफादगिरि आरो सुजन सुत्रधरखौ नेहाथारि महरै लानानै सा 31 सोद्रोमानि गसाइगाव महकुमा बिथानि लुफुंथाय मावफारिया आफाद दाफुंनाय जायो।

गोब्राव बेरामजों सन्देर जानाय बेराम जानायफोरनो गिबि मन्थ्रिनि अन्सुंथाय रंनि चेक गथायदों

गोब्राव बेरामाव सन्देरजानाय सुबुंफोर आरो नख'रनि सुबुंफोरनि अखाइयाव गिबि मन्थ्रि अन्सुंथाय रंनि 25 रोजा रंनि चेक गथायनानै होयो। रंखान्थियारि आंखालनि थाखाय गोब्राव बेरामजों सन्देरजानानै नांगौबादि फाहामथाय लानायाव जेना सोमजिनाय बेरामिफोर गावसोरनि अलकदनि समाव गिबि मन्थ्रि ॐ हिमन्त बिश्व शर्माआ गथायनाय रंखान्थियारि अन्सुंथायनि थाखाय साफ्रोमबो बेराम जानायफोर आरो नख'रारिआ गिबि मन्थ्रिनिसिम साबायख'र बाउनायजों लोगोसे राइज्योनि बिजेपि सरकारखौ साबायख'र बाउदों। गिबि मन्थ्रिनि अन्सुंथाय रंनि चेक गथायनाय समाव बिटिआरनि बिसायख'जानाय एमसिएलएजों लोगोसे तामुलपुर मन्डल बिजेपिनि लेडइ आफादगिरि मनेश्वर दास, गहाइ नेहाथारि बिमल हाजरिका, अम्बर चेत्रि, गायबारी मन्डल एसटि मर्चानि आफादगिरि लंकेश्वर राभामोनजों लोगोसे माखासे बिजेपिनि मदतगिरिफोर बाहागो लाफैदों।

सरुपेटानि सानै कारटे गेलेगिरिफोरा जाफुंसारदों

3 डान ब्लेक बेल्ट मोन्नायजों लोगोसे बबिमनि दासआ 3 डान ब्लेक बेल्ट मोन्नो हायो। जितु फाठक आरो बबिमनि दासआ सरुपेटानि जेबि यगा एन्ड कारटे एकाडेमिनि फोरोंगिरि। जितु पाठक आरो बबिमनि दासआ जाफुंसारनो हानायाव सरुपेटानि गेलेमु अन्सायगिरि आरो ओन्सोलनि राइजो-राजाफोर बिसोरनिसिम गहाम हामब्लायथि जासिहरदों।

कक्राझारनि जात्रा-सि एक्टि स्टुडिय' हान्जाया नेसनेल स्कुल अफ ड्रामाजों

खुंनयानय जन भारत रंग हाबाफारियाव बाहागो लाना खव मोन्दों
थानाय 21 फेब्रुवारी, 2024 ई अक्ट'खालि बेल्लासि 4:00 रिगानिफ्राय जन भारत रंग हाबाफारि खुंनय जादों। बे हाबाफारियाव दुलाराय हादतनि गुबुन गुबुन राइज्योनिफ्राय मोन 2000 ड्रामा हान्जाफोरा एखे समावनो गावबा-गाव ओन्सोलनिफ्राय लाइभ थुनफावथाय दिन्थिफुंनयाव बाहागो लादों। बेबायदिनो कक्राझारनिफ्राय जयन्त नार्जिरीनि बिथोन होनाय जात्रा-सि एक्टि स्टुडिय' हान्जाया वासुधैव कुटुमबकम मुंनि ड्रामाखौ बे हाबाफारियाव कक्राझार जिल्लानि सिडव थानाय सालाकाटि जोहोलाव सोमब्ला फोथारनिफ्राय दिन्थिफुंनो। नेसनेल स्कुल अफ ड्रामा गोदान दिल्लीनि बान्जायानायाव खुंनय बे जन भारत रंग हाबाफारियाव बाहागो लानायनि उनाव कक्राझारनि जात्रा-सि एक्टि हान्जानि नेसनेल स्कुल अफ ड्रामा, मिरुनि हारिसु बिफाननिफ्राय गांसे बाखाय फोरमान बिलाइ मोन्नो हादों। माहारियारि थाखोनि बेबायदि हाबाफारियाव बाहागो लानानै खाबु मोन्नायाव जात्रा-सि एक्टि स्टुडिय' हान्जाखौ बिथोन होनाय बिथोनगिरि जयन्त नार्जिरीआ भारत सरकारनि हारिसु बिफान, नेसनेल स्कुल अफ ड्रामा आरो जात्रा-सि एक्टि स्टुडिय'नि गासै महरगिरिफोर, खां-खां लाइमोन हान्जा, सुधु ब्रह्म, सिद्धार्थ रय, बिरदाव ब्रह्मनिसिम गोजोननायजों साबायख'र जासिदों।

रं दाहार होवा सा 14 सुबुंफोरखौ पुलिसआ खादों

दाहार होवा सुबुंफोरखौ हमनाय जादों। रं दाहार होवा सुबुंफोरजों लोगोसे नोगोद 68,590 रं, बैंक चेक, हानि फोरमान बिलाइ, स्टाम्प पेपार, रैजिस्टार, नटबुक बायदि बायदि बेसादफोरखौ बोखानो मोनफादों। बबेखानि राइजो-राजाफोरनि कमप्लेन्ट मोन्नायनि उनाव आइन बैरखायै रं दाहार होवाफोरनि हेंथायै बरपेटा पुलिसआ मोन 13 केस रैजिस्टार खालामदोंमोन। उनाव नायबिजिरनायनि गेजेरजों बरपेटा पुलिसआ सा 14 रं दाहार होवा सुबुंफोरखौ दाब-दाब जायगानिफ्राय हमनो हायो। बेर फासै बरकुरा, नलबारि, नारायणपुर, मुकालमुवा पुलिस थानानि सिडव थानाय दाब-दाब जायगाफोरबो रं दाहार होवाफोरनि हेंथायै हरखाबे सिप्रोमनायनि गेजेरजों गोबां नोगोद रं आरो फोरमान बिलाइफोर बोखानो हादों। मख'नाय जायोदि, आसाम पुलिसआ थानाय 20 फेब्रुवारीसिमाव राइज्योनाडे दाब-दाब जायगानिफ्राय रं दाहार होवा गासै सा 122 सुबुंफोरखौ पुलिसआ हमनाय जादों। मख'नाय जायोदि, गिबि मन्थ्रि ॐ हिमन्त बिश्व शर्माआ बावैसो सिगां गोरिब आरो गेजेर थाखोनि नख'रनि सुबुंफोरनो रं दाहार होनानै नख'रनि धोन फोजोबसंनानाय, सना-रुपा, हा बायदि धोनफोरखौ सेनानै लानाय आरुथुथायखौ फोजोबसंनानयनि थांखिजों राइज्यो सरकारआ बेबायदि रं दाहार होग्रानि हेंथायै गोखों रहा लानायनि बाश्राखौ फोसावनानै होदोंमोन। बेबायदिनो राइज्योनाडे दासादि, रं दाहार होवाफोरनि हेंथायै रहा लानाया गोखोडे सोलिगासिनो दड।

हारियाणा सरकारआ आबादारि दैदेनगिरिफोरनि सायाव नेमस्त्रान्थि जावसिन्नाय नडा

हारियाणा, 23 फेब्रुवारि: हारियाणा-पान्जाब शंभु बर्डरआव आबादारिफोरा गावसोरनि दाबि दैखानायफोरखौ लानानै दिनैबो थाबाय थादों। बेनि गेजेरजों अम्बाला रेन्जिनि आइजि सिबाश कबिराजआ शुक्र बारखालि बुंदोंदि, अम्बालानि माखासे दैदेनगिरिफोरनि सायाव माहारियारि रैखाथि नेमकान्थि जावसिन्नाय केसनि सायाव सावरायफिनो आरो बेखौ फोसावनाय नंला होन्नानै थांखि लायो। हारियाणा पुलिसआ धर्ना होग्राफोर आरो बिसोरनि



सांथ्रिफोरखौ गोजोनै लाखिनो आरो आइन राहाखौ सो फिल होनाय। व बिबानगिरिफोरजों लोगोसे हेफाजब होनो आर'ज गाबो। बेरफासै अम्बाला पुलिसआ सोमावसारनायाव बाहागो लानो थाखाय केएमएमनि

जिअ फाइनेन्सियेलनि शेयारआव गोखौ दावखोनायखौ नुनो मोन्दों

गोदान दिल्ली, 23 फेब्रुवारी: मुकेश अम्बानीनि रिलायेन्स गुपनि कम्पनी जिअ'

जौखोन्दो बांनयजों लोगोसे स्टलआव थानाय माखासे समनिफ्रायनो दावखोनाय नुनो मोन्दों। थानाय सान 5 याव शेयारआ 18.87 जौखोन्दो रिटार्न'बो होदों। मख'जाथावदि, थानाय 1 दानाव शेयारआ 36 जौखोन्दो नि बांसिन रिटार्न होदों एबा मुलाम्फा मोनहोदों। गासै 6 दानआव शेयारआ 45 जौखोन्दोनि बांसिनाव सौहैदों। जिअ फाइनेन्सियेलनि शेयारआव गोखोंसिन जानायनि गोहोमा बेनि मार्केट केपआवबो गोलैदों। 328 रंनि बेसेनाव जिअ फाइनेन्सियेलनि मार्केट केपआ 2.10 लाख कौटि जाहैयो, जाय बाजाज फाइनेन्स आरो बाजाज फिनसाभनि उनाव

बेखौ थामथि देरसिन एनबिएफसि कम्पनी खालामदों। मख'जाथावदि, जिअ फाइनेन्सियेल सांथ्रिसेजआ गंसे एनबिएफसि कम्पनी। बेखौ रिलाइन्स स्ट्रेटिजिक इन्वेस्टमेन्ट प्राइभेट लिमिटेडनि महरै 1999 माइथायाव गायसन्दोंमोन। उनाव 2002 आव बेनि मुंखौ रिलाइन्स स्ट्रेटिजिप इन्वेस्टमेन्ट लिमिटेड आरो उनाव 2023 नि जलाइयाव बेनि मुंखौ सोलायनानै जिअ फाइनेन्सियेल सांथ्रिसेज लिमिटेड खालामना होयो। कम्पनीआ लन, इन्फुरेन्स बुकिं, पेमेन्ट बैंक आरो पेमेन्ट सल्युसन्सनि फालांगि खालामो। कम्पनीआ 2023 नि डिसेम्बरव 294 कौटि रं मुलाम्फा मोनायखौ थिसन्दोंमोन। बे समाव कम्पनीनि आयआ 414 कौटि रं जादोंमोन।

(1 बिलाइनिफ्राय)

राइज्योनि गोथौ ओन्सोलनि सुबुंफोरनि थाखाय जौगा माननि देहा सिबिथाय होनायनि बिथिडव माहारियारि देहा मावथांखि

देहा मेनेजमेन्ट एन्ड रिसास इन्स्टिटुटनि गेजेराव मोनसे बुजिलायनाय गोरोबथा खायो। बे हाबाफारिनि गेजेरजों राइज्योनि देहा बिफाना जिल्लाफोरनि थि खालामखानाय जायगाफोराव माहारियारि देहा मावथांखिनि सिडव थानाय दावबायारि मेडिकेल इजनिट आरो देहा हान्जानि गेजेरजों गुबुन गुबुन बेरामखौ सिगांग्रोयै सिनायथिनानै जौगा माननि फाहामथाय होनो थाखाय देहा मिरुसिम दैथाय हरनायजों लोगोसे फिन नायबिजिरनाय आरो सन्देरनो हायै बेराम जैरै डाइबेटिज, हाइ प्रेसार, गोलाव समनिफ्राय भुगिनांनय बेराम जैरै टिबि, आस्थामा बायदिनि थाखाय बेसेन नाडै मुलिनि रहा खालामनायजों लोगोसे जोनोम जानायनि सिगां आन्जाद बायदिनि रहा खालामदों। बे हाबाफारियाव माहारियारि देहा मावथांखि, आसामनि मावफुं बिथोनगिरि डा: मनज कुमार चौधुरी, माहारियारि देहा मावथांखि, आसामनि मन्दलारि खुंथायनि बिबानगिरि जयन्त दत्त, माहारियारि देहा मावथांखि, आसामनि राइज्योयारि हाबाफारि बिबानगिरि डा: दिपज्यति डेका, माहारियारि देहा मावथांखिनि एसपिअ एनसिडि डा: राहुल कुमार शर्मा आरो पिरामल देहा मेनेजमेन्ट एन्ड रिसास इन्स्टिटुटनि बिबानगिरिफोरा बाहागो लायो।

बिएइसबि फरायसालिमाया नाकनि बि++ ग्रेड मोन्नो हादों

थानाय 22 अक्ट'खालि 'नेसनेल एसेसमेन्ट एन्ड एक्रिडियेसन कार्डन्सिल' (एनएएसि) निफ्राय फरायसालिमानि गोरयुंसिम लिस्नाय गांसे लाइजामनि गेजेरजों बे बाश्राखौ फोरमायथिनायनि सोमोन्दे गोरयुं ॐ नयन्ज्यति दासआ फोरमायना होयो। मख'नो गोनांदि, थानाय 13 आरो 14 अक्ट'खालि नाकनि साथाम सोद्रोमानि हान्जाया फरायसालिमायाव दावबायनानै थादोंमोन। गुबुन फारसे, आधिखालसिमाव फोसावनाय नाकनि थामथि खोलोबनि बेसेन थि खालामनायाव बरपेटा जिल्लानि गेजेराव सरुपेटानि बिएइसबि फरायसालिमाया सेंथि फारिलाइयाव थानायनि बाश्राखौ मिबिथिनो मोन्नाय जादों। जायखौ लानानै फरायसालिमानि बेबायदि गोगाथाव जाफुंसारनायनि सायाव फरायसा, फोरोंगिरि-मावफारिया, गुबुन गुबुन आफाद-फसंथाननि जर'खा बिहोमा दड होन्ना मिबिथिनानै फरायसालिमा बिफानआ साफ्रोमखौबो-साबायख'र बाउदों।

दान बान्था बांहोनो दाबिनानै अंगनबादि मावफारिया आरो हेफाजाबगिरिफोरा सोमावसारदों

मावखुलिखौ बन्द खालामनानै मावखुलिनि सिडव थानाय अंगनबादि मावफारिया आरो हेफाजाबगिरिफोरा बायदि स्ल'गान होनानै गोखों सोमावसारो। कक्राझार जिल्ला आफादनि बान्जायनायाव खुंनय सोमावसारनाय हाबाफारियाव बाहागो लानाय सोमावसारगिरिफोरा आसाम सरकार हाय-हाय, बिजेपि सरकार मुदाबाद, गिबि मन्थ्रि हाय-हाय, प्रमद बर' हाय-हाय, बिथोनगिरिनि थांखिनाय बादिदै बांहोनाय दानबान्थाखौ होनांगो बायदि स्लगानजों मावखुलिखो गोमखांहोयो। सोमावसारनाय हाबाफारियाव बाहागो लानानै गसाइगाव बिथांखिनि नेहाथारि हरिप्रिया रायआ सरकारखौ गोखों रावजों सोंखारिनानै बुडेदि, बाइड दानबान्थाजों सिबिथाय होबोनाय अंगनबादि मावफारिया आरो हेफाजाबगिरिफोरखौ सरकार गले-गले मोन्नांगौ मोन्थायनिफ्राय जानगाराव दोनबोदों। बिथाड बुंवावोदि, गावनि मोन्नांगौ मोन्थायखौ दाबिनानै थानाय 19 अक्ट'बरआव मावफारिया-हेफाजाबगिरिफोरा सोमावसारनाय हाबाफारि खुंनय समाव बिफानआरि बिथोनगिरिआ दानबान्थाखौ बांहोनो थांखि होदोंमोन। नाथाय दिनैसिमबो सरकार दानबान्थाखौ बांहोनायनि जेबो राहा लायासै लोगोसे थानाय बाजेटआव अंगनबादि मावफारिया-हेफाजाबगिरिफोरनि दानबान्थाखौ बांहोनायनिबो जेबो रं थिनाय जायासै। जायनि थाखाय थानाय 15 फेब्रुवारीनिफ्राय 9 सान गोखों सोमावसारनाय हाबाफारि खुंनय जायो। बेनि उनावबो सरकार जेबो राहा लायाब्ला फैगौ 26 फेब्रुवारीनिफ्राय सिमा गैयै समसिम गोखों सोमावसारगोन होन्नानै नेहाथारिआ हुमखि होयो। मख'नो गोनांदि, आबादारिनि सोमावसारनायाव डू'नजों गगलोबनायाव जोखोम जानाय आबादारिआ थैनायनि थाखाय सोमावसारगिरि अंगनबादि मावफारिया-हेफाजाबगिरिफोरा गोसोम बेज गान्नानै बे जाथयखौ गोखों रावजों सोंखारियो।

प्रियंका-शाहरुखनि गोसारनाय खौरांनि सैथोखौ भिभेक भासवानीआ फोरमायदों

बलिउडनि बादशाह मुडै मिथिसारजानाय शाहरुख खान आरु गोखों फावखुंग्रि प्रियंका चप्रया फिन खेबसेबाव खौराडव गोसारदों। गोबां खेब बिसोर सुपारस्टरनि एफेयारनि खौरां खोनानो मोनबोदों। शाहरुखनि एक्स्ट्रा मेरिटेल् एफेयारनि बे कन्ट्रभासिआ फिन खौराडव गोसारनो हमदों। शाहरुखनि आंगो लोगो भिभेक भासवानीनि जाहोनाव बे खौराड गोखैसिनै गोसारदों। बादशाह आरु किं खान बायदि मुंजों मिथिसारजानाय शाहरुख आरु प्रियंकानि एफेयारआ डन-2 सावथुनआव जयै फाव खालामनायनि फिन गोसारजन्दों मोन। मोनसे इन्टरभिडआव किं खाननि लोगो



भिभेकआ बे आयदायाव बाश्ना सावरायदों। फावखुंग्रि आरु प्रडिउसार भिभेक भासवानीआ शाहरुखनि सावथुन राजु बन गया जेन्टेलमेनजों सावथुन मुलुगआव आगान होदों मोन। केरियारनि दावबायनाय समावबो बिसोर सानैआ जयैने

दावबायदों मोन। भिभेकआ सिद्धार्थ कनानजों इन्टरभिडआव शाहरुखनि रिलेसनसिपखौ लानानै बुडोदि, बियो सासे सुपारस्टर, बेनिखायनो सुबुंफोर गोबां रोखोमनि बायदि बाश्ना फुन्देरो एवा दाय जाबसिनो मोजां मोनो। नाथाय बेफोरो

सैथो नडा। मोनसे समाव शाहरुख खाननि भिभेक भासवानीजोंबो सोमोन्दो थानायनि नंखाय खौरां गोसारदों मोन। बेनि बागे सौथि सौनायाव भिभेकआ बुडोदि, रिलेसनसिप माने? फिजिकेल रिलेसनसिप? होन्नानै सौथि

खालामफिनो आरु बियो बे बादि सुबुं नडा, माबेनिफ्राय बेबादि नंखाय खौरांफोर गोसारो मिथिनो मोना होन्नानै बियो बुडो। बेनि अनगायै गावसोरन' गंसेयावनो थायोमोन, बेयावनो गावनि बिमा-बिफायाबो थायोमोन, टेन्सन दडमोन, केरियार दडमोन, थाबैने गौरिखो जुलि लानांगोमोन। बेफोरनि गेजेराव बबेयाव एफेयार लाखिनो? लोगोनि सोमोन्दो दडमोन, नाथाय फिजिकेल रिलेसनसिप होन्नानै जेबो सोमोन्दो गैयामोन होन्नानै भिभेकआ बुडो। सिगां फासै भिभेकआ बुंवावोदि, शाहरुखआ सासे स्टार महैर जाफुंसार जालांबाय थानायव बिनि बागै गोबां बाश्नाफोर लिस्नानै फोसावनो हमो। बेफोरो सैथो नडा। सैथो बाश्नाया जादों-जेब्लानिफ्राय शाहरुखखौ लोगो मोन्दों बेनिफ्रायनो बियो गावनि आबुं जिउआव सासेल' आइजोनि जानानै थादों। प्रियंकाखौ लानानै गोसारनाय खौराड नंखायजोबमोन।

रिलिजनि सानसे सिगां इन्द्राणी मुखार्जीनि डकुमेन्टरी सिरिजआ खैफोदआव गोग्लैदों



बारीड टुथ सिरिजनि रिलिजआ खैफोदआव गोग्लैदों हमदों। सिरिजनि रिलिजनि सानसे सिगां दान्थे-बिदान्थे सोमजिदों। बम्बे गोखौ बिजिरसालिया स्ट्रीमिं प्लेटफर्म नेटप्लिक्सखौ इन्द्राणी मुखार्जीनि सायाव बिथा खालामनाय 'द इन्द्राणी मुखार्जी स्टरी' बारीड टुथ' सिरिजनि रिलिजखौ दोन्थे'नो बोसोन होदों। इन्द्राणी मुखार्जीनि सायाव गावनि फिसाजो शीना बराखौ बुथारनायनि दाय होनाय जादों

आरु बे आयदानि सायाव बे डकुमेन्टरी वेब सिरिजखौ बानायनाय जादों। गोखौ बिजिरसालिया गावनि बिथोनाव बुंदोंदि, गिबियाव बे वेब सिरिजनि जरखा स्क्रिनिंखौ गोखौ बिजिरसालि, सिबिआइ आरु उखिलफोरनि सिगाडव खालामनाय। बिजिरगिरि रैभाति मोहिते डेर आरु बिजिरगिरि मन्जुस देरापान्डेनि बेन्सआव बे केसनि हियारिखौ फोसावदों। बे केसनि हियारिआ वृहस्पतिबाराव गोखौ

बिजिरसालियाव जागोन। सिबिआइआ बिजिरसालियाव बुंदोंदि, वेब सिरिजनि थाखाय बिजिरसालियाव सोलिबाय थानाय केसआव गोहोम गोग्लैन। शाना लेभी आरु अराज बहलजों दिथा होजानाय डकुमेन्टरी सावथुना 23 फेब्रुवारीयाव रिलिज जानो गोनां मोन। बेनि सिगाडाव सिबिआइआ डकुमेन्टरी वेब सिरिज फोसावनायखौ दोन्थे'नो थाखाय बम्बे गोखौ बिजिरसालिसिम थादों मोन। बिजिरसालिया वृहस्पतिबाराव वेब सिरिजनि दिहुनगिरिफोरनिफ्राय मितिनो लुबैदों मोनदि, बिसोरो सिबिआइनि थाखाय वेब सिरिजनि मोनसे दिन्थिफुनाय खुंनो गोसो दंना गैया। बिजिरसालिया सोंदोंदि, सिबिआइखौ मानो सिरिजखौ

नायनो गनायति होनाय जाया, डकुमेन्टरी सिरिजखौ शेयार खालामनायाव मा गोब्राव। बेयाव बुंनया जादोंदि, जेराव दायनिगिरिहा मोनतायफोर दं, बिसार खालामग्रा आरु बुथारजाग्राफोरबो मोनथाय दं। नेटप्लिक्सनि जानानै नुजाथिनाय गागि उखिल रथि कदमआ गिबियाव हेंथा होदों मोन आरु बुंदों मोनदि, बेयो प्री-सेन्सरशिप जागोन। बिथाडा बुंदोंदि, सिबिआइआ सिरिजनि बेरेखायै सिगाडावनो बिजिरसालिसिम थांनान्गोमोन आरु जोबथा बुब्लिसिम नेनो नाडामोन। बबेखानि बिजिरसालिया बुंदोंदि, केसनि हियारिआ दासिमबो सोलिगासिनो दं आरु साखिफोरनि बिबुंथिफोरखौ दासिम रेबगांन्थिनाय जगासिनो दं।

लाहर 1947 आव सानी आरु प्रिटि जिन्टानि जराखौ फिन नुनो मोनगोन



राजकुमार सन्तपिनि फैनो गोनां सावथुन लाहर 1947 नि गोदान आपडेटआ सोराडव फेदों। बे सावथुननि गाहाइ फावगिरिफोरनि मुंखौ फोसावनो थांगसिनो। लाहर 1947 आव सानी देअल आरु प्रिटि जिन्टया गाहाइ फाव खालामगोन। राजकुमार सन्तपि, आमिर खान आरु सानी देअलनि गिबि सावथुन लाबोनो थांगसिनो। सावथुनआव सबाना आन्मी आरु अभिमान्यु सिंहाआबो गाहाइ फावनि थाखाय सायख'जादों। बिसोरनि अनगायै सासेबाव फावगिरिनि मुडा फोसावजादों। स्टारफोरनि फारिलाइआव आली फजलनि मुडाबो थाफादों। अदेबानि फावखुंग्रिनि आखुनि बागै रोखा खौरां मोन्नाय जायाखै। नाथाय आलि फजलआ सावथुननि बाहागोयारि जाबाय। आलि फजलनि सिगां अभिमान्यु सिंहाखौ सायख'नाय जादों मोन। बिखौ सावथुनआव भिलेनि आखुआव नुनो मोनगोन। मख'जाथावदि, आलि फजलखौ मिर्जापुरनि उननिफ्रायनो अन्सायगिरिफोर

बांसिन मोजां मोन्दों। बे सावथुननि अनगायै आलि फजलआ माखासे इन्टरनेसनेल सावथुनफोरवबो हाबा मावदों। बावैसो सिगां बियो फुकरे-3 आव जाफर भाइनि आखुजों बयखौबो सोमोनां होदों मोन। लाहर 1947 सावथुनखौ आमीर खानआ गावनि प्रडाक्सन बेनारनि सिडाव प्रडिउस खालामगोन आरु सावथुनखौ गोखों बिथोनगिरि राजकुमार सन्तपिआ बिथोन होगोन। सावथुननि देखौखौ आरु रहमानआ थियारि खालामगोन आरु जाभेद आखारआ सावथुननि थाखाय देखो सुजुगोन।

भरुन धावन आरु जाहनबी कापुरनि दोहौ गोनां जराखौ फिन रमान्ठिक-कमेडि सावथुनआव नुनो मोनगोन

धर्मा प्रडाक्सनआ फेन्सनि थाखाय मोनसे सन्देह खालामथाव पस्टार फोसावदों मोन आरु बुंदों मोनदि, बियो थाबैने मोनसे गोदान सावथुन लाबोगोन। अदेबानि बेनि बागै जेबो मख'जाथाव खौरां मिथिहोयाखै मोन। सुबुंफोरा माबादि सावथुन लाबोगोन होन्नानै नेनानै दडमोन। बेखौ लानानैने गोदान खौरां सोराडव फेदों। भरुन धावन आरु जाहनबी कापुरआ बवाल सावथुननि उनाव गिदिर प्रजेक्टनि थाखाय आबुडे थियारि जाबाय। बे बाश्नाखौ करण जहरआ मशन पस्टारनि गेजेरजों फोसावदों। फैनो गोनां रमान्ठिक कमेडि सावथुननि मुडा जादों-सनी संस्कारी की तुलसी कुमारी। सावथुनखौ शशांक खेतानआ बिथोन होनाय बे सावथुनआ फेगौ बोसोरनि 18 एप्रिलआव रिलीज जागोन। बे रमान्ठिक सावथुननि सल'खौ करण जहरआनो लाबोदों आरु बेखौ



सावथुननि रिलीज अक्टखौ मिथिहोदों। 2023 आव बवाल सावथुनआव जयै फाव खालामनाय फावखुंग्रि भरुन धावन आरु जाहनबी कापुरआ फिन खेबसेबाव गावसिनि सावथुनजों दोहौ लानानै फैनो थियारि। धडक आरु हम्पटी शर्मा की दुल्हानिया सावथुननि बिथोनगिरि शशांक खेतानआ बिथोन होनाय बे सावथुनआ फेगौ बोसोरनि 18 एप्रिलआव रिलीज जागोन। बे रमान्ठिक सावथुननि सल'खौ करण जहरआनो लाबोदों आरु बेखौ

धर्मा मुभिजनि इनस्टाग्राम पेजआव दिन्थिदों। मख'नो गोनांदि, सावथुनआव भरुन-जाहनबीनि आखुआ मा बादि जागोन बेनि बागै मिथिहोनाय जायाखै। नाथाय रोखायै बुंदोंदि, रमान्ठिक आबुं बे लाभ स्टिरि सावथुन 2025 आरु रिलीज जागोन। बेनि बागै माखासे बाश्नाफोरखौ सोदयै लाकिनाय जादों। बे सावथुननि रमान्ठिक सल'आ जरासे जेना गोनां जुलि जाखानाय जरानि सोरगिदि गिदिडे होन्नानै बुंदों।

सेतान सावथुननि ट्रेलारखौ बानायगिरिफोरा फोसावबाय



सावथुननि रिलिजनि खालारखौबो गावनि इन्सायगिरिफोरमायदों।

सावथुननि ट्रेलारआ जोबोद दोहौ गोनां। भुधु पुथुलाफोरखौ सरासनस्त्रायै जादुयारि

फिन खेबसेबाव बलिउडआव भुत सावथुनफोरनि मुडा फेफिनगासिनो। अजय देभगान आरु आरु माहाभनि सेतान सावथुना सुबुंफोरखौ गिहोनो थियारि। सावथुननि ट्रेलारखौ बावैसो बानायगिरिफोर फोरमायदों, जेराव जादु मनथर नुनो मोन्नाय जादों। बेनि ट्रेलारखौ रिलिज खालामनाय समाव अजय देभगानआ

माहाम देहानि राहा

माखासे फिथाइफोरनि जुस बानायनानै लोडेब्ला मोखाडव नेसुरेल ग्ल' फैयो

नेसुरेल ग्ल'नि बाश्नायानो आलादा जायो। जेब्ला सुबुंफोरा नोंथानो मेकआप फुना जासेबो कमप्लिमेन्ट होयोब्ला नोंथाड गोबां गोजेनो जानांगौ। दागो गैयै, स्लिम बिगुर, टमेट बायदि गोजा-गोजा समाइना खवलाइखौ गोबां मोजां नुयो। जुदि नोंथाडाबो बेबायदि स्क्रिननि सेक्रेट फर्मुलाखौ हास्थायोब्ला नोंथाड गावनि डाइटआव माखासे जुसफोरखौ लाफादेरनो हागोन। (1) बिट: बिटआव माखासे निउटिसन मोन्नाय जायो। बेवहाय थानाय पलेटआ स्क्रिन सेल्सखौ बांहोयो। बिटामिन सिआ बैसो बांनानयनि गोहोमखौ बाडाइ खालामो, बिगुर थननायखौ जानगार खालामो। (2) गाजर: गाजरआव थानाय बिटा केरिटेनआ बिगुरनि डेमेज जानायनिफ्राय रैखाथि होयो।



(3) आपेल: आपेलआ एन्टी अक्सिडेन्टजों बुंफबनाय जायो, जाय तिश्यु डेमेजखौ होबथायो। बेखौ जुसआव लाफादेरनायजों बिगुरआव कलेजम आरु इलास्टिनआ बाडो। जायजों नोंथांखौ लाइमोन नुयो। बेनि अनगायै भिटाकिन ए, बि कमफ्लेक्स आरु सिआ स्क्रिन पेक्ससारखौ सोलायनायनि खामानि मावो। (4) हाल्दै: हाल्दैआव थानाय कर्किउमिन्टआ बुखानायखौ बाडाइ खालामो। बेखौ बिगुरआव फुनाय एवा जाग्रा

आदारव लाफादेरनायजों दागो जानायफोरनि जेनाया जानगार जायो। लोगोसेनो नेसुरेल ग्ल'खौ मोन्नो हायो। (5) आमलाइ: आमलाइयाव भिटाकिन सिखौ मोन्नो हायो, जाय बैसो बांनानायबो गोहोम खोखलैने हायो। आमलाइजों थैआ साखोन-सिखोन जायो, जायजों मोखाडव दागो, सिथरनि जेनाया जाया। लोगोसेनो प्रि रेडिकेल्सनिफ्रायबो रैखाथि होयो।

आलिया भाट्टआ गावनि फैनो गोनां जिगरा सावथुननि बागै इनस्टाग्रामआव परट खालामदों

बलिउडनि फावखुंग्रि आलिया भाट्टनि फाव खालामनायखौ सुबुंफोर जोबोद मोजां मोनो। आलिया भाट्टआ मोनसेनि उनाव मोनसे दोहौ गोनां सावथुनफोर होनानै अन्सायगिरिफोरनि गोसोखौ बोनो हादों। बिथाड दासिम बयनिखुइबो बांसिन फिल्मफेयार बान्था देरहानो हानाय फावखुंग्रिबो। थांनय बोसोर आलिया भाट्टनि थाखाय जोबोद मोजांमोन। बिथाडा गावनि दोहौ गोनां फाव खालामनायनि थाखाय हायुडरि



बान्थाबो मोन्दों। दाफावखुंग्रिआ थाबैने गावनि गोदान सावथुनजों बे बोसोरव दोहौ दिन्थिनो थियारि। आलिया भाट्टनि ऑखारनो गोनां बे सावथुननि मुडा जिगरा। बिथाडा इन्स्टाग्राम आव अन्सायगिरिफोरनि थाखाय गोबां सावगारिफोर परट खालामदों। बे सावगारिफोराव बिथांखौ फावखुंग्रि बेदांग रैनाजों लोगोसे

नुनो मोन्दों। फावखुंग्रिआ फोसावदोंदि, बिथांनि सावथुन सेबखानाया आबुं जाबाय। आलिया भाट्टआ इन्स्टाग्रामआव परट खालामनाय सावगारिफोरजों लोगोसे सावथुनखौ बोहैथि बोसोरनि 27 सेप्टेम्बरखालि सिनेमा हलफोराव रिलीज खालामनो थाखाय थियारि खालामगासिनो होन्नानै लिन्दों। थांनय बोसोरव

आलिया भाट्टआ मोनसे मसन पस्टारजों जिगरा सावथुनखौ फोसावदोंमोन, जेराव बिथाड गावनि मोनसे एआइ सावगारिखौ परट खालामदोंमोन। बे सावथुनखौ भासल बालाआ दिथा होदों, जाय मनिका अमाइ डार्लि आरु पेडलस बायदि सावथुनफोरनि थाखाय मिथिजायो। आलिया भाट्टआ गावनि बे फैनो गोनां सावथुनआव जावजा फाव खालामदों। जिगरा सावथुनखौ करण जहरनि धर्मा प्रडाक्सन आरु आलिया भाट्टनि प्रडाक्सन हाउस इटानैल सानसाइनि बेनारनि सिडव दिहुन्नाय जादों। बे सावथुनआ बे बोसोरनि 27 सेप्टेम्बरआव रिलीज जागोन।

रियेलिटी स्व'आव सानै फालांगिरिफोरा पिरियड सानायखौ होबथानो थाखाय बिजनेस सान्थि लाना फेदों

फालांगिनि सायाव बिथा खालामनाय रियेलिटी स्व'सार्क टेंक इन्डिया सिजन 3 आ आर्थिखालाव सावरायजागसिनो दड। सेथि आरु नैथि सिजननि जाफुंसारनायनि उनाव गोबां आखी-फाखी फालांगियारिफोरखौ सार्क टेंक इन्डिया 3 आवबो नुनो मोन्नाय जादों। स्व'नि बावैसो जानाय एपिसडआव बेबादिनो सासे गुन गोनां फालांगियारि फेदों, जाय गावनि पिचजों गासैबो बिजिरगिरिफोरखौ गोहोम खोखलैयो। सार्क टेंक इन्डिया सिजन 3 नि बावैसो जानाय



एपिसडआव रणी मण्डल आरु रहन रय मुनि सानै फालांगिरिफोरा गावसोरनि बिजनेस सात्रीनि थाखाय बिजिरगिरिफोरखौ पिच खालामो। मात्रीआ मोनसे ब्रान्ड, जाय पीरियड ट्रेम्पलखौ फोजोबनायाव मदत खालामो। बेयो मोनसे

पर्टेबल, गाननो हानाय आरु रिचार्चबल इलेक्ट्रिक डिभाइस, जाय पीरियडखौ होबथानो थाखाय रामबाण फाहामसालिनिफ्रिय साबसिन। पिचार्सफोरा शाकर्सनो 60 लाख रंआव 40 जौखोन्दो इक्विटी अपार खालामदों। जेब्ला रणी आरु

अजय देभगान, जतिका आरु बिसोरनि फिसाजोआ बे ब्लेक मेजिक आरु सेतानजों मोगा-मोगि जानो थांगसिनो दं। बे सावथुनाव बेखौ नुनो मोनगोनदि, माबोरै अजय देभगानआ सेतानजों नारानाथार जाना गावनि फिसाजोखौ बासायगोन। सावथुननि ट्रेलारनि मोनफ्रोम बुब्लियाव सास्पेन्स नुनो म

नेदों। सेतान सावथुनआ जि स्टुडिओ, अजय देभगान फिल्म्स आरु पैनोरमा स्टुडिओ इन्टरनेशनलनि मोनसे दिन्थिफुनाय आरु बे सावथुनखौ अजय देभगान, जति देसपान्डे, कुमार मंगत पाठक आरु आभिषेक पाठक आ दिहुन्दों। बे सावथुनखौ 8 मार्चआव रिलिज खालामनाय जागोन।

रहनआ गावसोरनि फालांगियाव साक्स'खौ इनभेस्ट खालामनो थाखाय पिस खालामो, गासैबो साक्स'आनो बिसोरनि बे प्रडाकजों जोबोद खुसि जायो। सुगार कस्मेटिक्सनि सिइअ भिनीता सिंहा पिचार्सनि बे दिहुनथायखौ आखाइ खबनानै बाख्नायदों आरु बुंदोंदि, दासिम पीरियड सानायनिफ्राय रैखा मोन्नो थाखाय जोबो आगजु गैया।

आइपिएल 2024 नि सिगां दिल्ली केपिटेल्सआ ऋषभ पन्तनो बिबान गथायदों

गोदान दिल्ली, 23 फेब्रुवारी: बिसिसिआइआ आइपिएल 2024 नि थाखाय गिबि 17 साननि समफारिखौ फोसावबाय। बे लोगआ फेगौ 22 मार्चआव जागायगोन। गिबि खोन्दोनि बादायलायनायफोरा फेगौ 7 एप्रिलसिम सोलिगोन। भारतआ सरासन्हा बिसायख'थिनि जाउनाव बादायलायनायखौ मोननै खोन्दोआव बोखावदों। नाथाय नैथि खोन्दोनि समफारिखौ दासिमबो बिसिसिआइआ फोसावबाय। बे खोन्दोनि फारिलाइखौ बिसायख'थिनि थाखाय अक्ट फोसावनायनि उनावसो रोखा खालामगोन। नाथाय आइपिएल 2024 नि गिबि खोन्दोनि फारिलाइ फोसावनाय लोगो लोगोनो दिल्ली केपिटेल्सनि हान्जाया मोनसे गिदिर फोसावथाय खालामगोन। थामहिनबा केपिटेल्सआ पन्तनि थाखाय मोनसे बिबान गथायदों। दिल्लीनि हान्जाया गिबि खोन्दोआव गासै खेब 7 मेच गथायदों। दुर्नमिन्तनि समफारि फोसावनाय लोगो लोगोनो



दिल्ली केपिटेल्सनि बिगोमा पार्थ जिन्डालआ केप्टेन ऋषभ पन्तनि थाखाय उइके टनि फोथारआव जर'खा बाश्ना बुंदों। जिन्डालआ उइके ट रिफार बेटसमेन पन्तनि सायाव फोथायनाय लाखिदों। नाथाय बिथाडा गिबि खोन्दोनि मेचआव गासैयावबो बाहागो जानो हानाय नडा होन्नानै फोरमायदों। थामहिनबा पन्तआ आइपिएल 2024 नि गिबि खोन्दोआव उइके ट किपिं खालामगोन नडा। बिथाडा 2022 नि डिसेम्बर दानआव मोनसे गिख'थाव लामानि जाब्र थायाव गोर्लैनाय उननिफ्रायनो जिउ राहायारि कि के टनिफ्राय गोजानआव

थाबोदों। नाथाय बिथाडा बावैसो सानफोरनि सिगां आलुरआव माखासे प्रेक्टिस मेच गेलेदों। जायनि भिडिअखो पन्तआ गावनि इनस्ट्राम एकाउन्टआव शेयार खालामगोन। आइपिएल प्रेन्चाइजी दिल्ली केपिटेल्सनि बिगोमाआ इएसपिएन क्रिक इन्फ'नो फोरमायनाय बादिब्ला, ऋषभआ आथिखालाव बेटिनि थाखाय थियारि जागायबाय। लोगोसे गावनि उइके ट किपिं स्कीलखौबो गोखोंसिन खालामगोसिनो दड। बेबादि थासारिआव पन्तआ आइपिएलसिमआव मोजां फीटआव फेफिनगोन। सिगां फासै बिथाडा पन्तनि आइपिएलआव केप्टेन महैरै

मोजां बिबानआव टीमखो नोजेर लाखिगोननि मिजिंथि लादों। सिगांनि खेब 7 मेचफोराव पन्तनि सासे बेटसमेन महैरैल' गेलेगोनखौ फोरमायनाय पार्थआ बेनि उनावसो आइपिएलनि आद्रा मेचफोरनि सायाव हान्जानिफ्राय थिरांथा लाफिनगोनखौ फोरमायदों। सिगां फासै पर्थआ पन्तनि हान्जायाव फेफिननायनिफ्राय हान्जानि समा-थायाव साबसिन जानायखौ फोरमायदों। मथ'नो गोनादि, पन्तनि अनगायैबो हान्जानि गुबुन सासे स्टार गेलेगिरि एनरिकनरतजेआबो गोखोमाव गोर्लैदों। बिथाडा गावनि बिखुडाव जोखोमो मोन्नायनि जाउनाव गोबां मेचआव गेलेनो हायाखौ मोन। नाथाय आथिखालाव बिथाडा मोजां फीटआव फेफिननाय दड। दायो 80 जौखोन्दो मोजां फीटजों गोखैयै बलिं खालामगोन नरतजेखौ फेगौ सप्टाहआव आबु' जौखोन्दोजों बलिं खालामगोनो हागोननि मिजिंथि लादों।

साइक्लिं केरियारआ सरितानि जिउआव सोलायनाय लाबोदों

गोदान दिल्ली, 23 फेब्रुवारी: भारतनि आइजो साइके ल सालायगिरि सरिताआ गावनि रोंगथिजों खौरांफोरनि हेडलाइनआव जायगा मोनगासिनो दड। गावनि बिमा बिफानि मुडा खौरांफोराव जायगा मोन्नायनि उनाव सरिताआ इमसनेल जादों। शारखन्डल साइके ल सालायगिरि सरिताआ एसियाय सेम्पियनसिपआव देरहानाय सनानि बान्थाजों गावनि बिमा-बिफानि खाफालआव सोलायनाय फेनो हागोनि मिजिंथि लादों। सरिताआ हान्जानि स्पीन इभेनआव सनानि मेडेल देरहानाय फारिआव दडमोन। आथिखालाव सरितानि बिमा-बिफाना हाजिरा मावग्रा महैरै दुख-खस्थ'नि गेजेरजों नख'रखौ सुंथानो थाखाय गोब्राव खामानि मावगासिनो दड। सा 5 बिब'बिनानावफोरनि गेजेयव उन्दैसिन सरिताआ सानै बिदा-फंबाय दड। बेबादि थासारिआव नख'रखौ दैदैनगोआ बिमा-बिफानि थाखाय गोब्राव थासारि जायो। सरिताआ खौरांगिरिनि सौथियाव गावनि बिमा-बिफानि थाखाय जेब्लायबो गोजोनखौ



लुबैयो होन्नानै फोरमायदों। लोगोसे साइकेल सालायनायव साबसिनै दिन्थिफुनो नाजागोननि फोथायथि होदों। 3 बोसोरनि सिगां सरिताआ साइके ल सालायनायखौ मोनसे इभेन्ट होन्नानै मिथियामोन। बिथांजोआ एथलेटिक्सनि 400 मिटार बादायनायव स्टेट सेम्पियन जाखानायनि उनाव बे गेलेमुआव के रियार दानायनि सिमां सुजुजेन्दों। 2021 आव कच दिपक हेम्ब्रमआ बिथांखौ खेल'

इन्डिया ट्रायल होनो सुबुरुन होजेन्दोंमोन। बे ट्रायलआ नाथाय एथलेटिक्सफोरनि थाखाय नडामोन। जे राव साइकेल सालायगिरिफोरखौ खाबु होनाय जादोंमोन। बे समाव सरिताआ मोजाडै दिन्थिफु'नानै फाइनाल ट्रायलनि थाखाय सायख'जानानै गिबि खेबनि थाखाय गेलेमुनि फोथारआव बाहायजानाय साइके लखौ नुजेन्दोंमोन। बेनि उनाव

2021 नि जुलाइ दानआव सरिताआ साइके ल सालायनाय बादायनायव ओंखारनो थियारि जाजेनो। बेनि फिथाइ महैरै 2022 आव नेसनेल सेम्पियनसिपआव बिथाडा रुफानि मेडेल देरहाखानायनि उनाव 2023 आव गुवाहाटी नेसनेल सेम्पियनसिपआव गंथाम सनानि मेडेल देरहानानै माहारियारि थाखोआव सिनायथिजायो।

ब्राजिलियान फुटबलार डेनि अल्भेसआ जिनाहारि केसआव जोबथेसालिनि साजा फोसाव जाबाय



ब्रासिलिया, 23 फेब्रुवारी: स्पेननि गंसे बिजिरसालिआ ब्राजिलनि बारा' हरिमायारि गेलेगिरि डेनि अल्भेसखौ ब्रै खवसे बोसोर समनि थाखाय जोबथेसालिनि साजा फोसावबाय। थानाय 2022 नि डिसेम्बर दानआव अल्भेसखौ बासिलाना नाइट क्लबावआव सासे लाइमोन आइजोखौ जिनाहारि खालामनायनि दायनिगिरि फोसावनाय जायो। जायनि फिथाइ महैरै बिथाडा जोबथेसालिनि साजा मोनाडो। खेबथाम सेम्पियन्स लीगनि बिमुं देरहागिरि डेनिखौ गावनि के रियावआव आरोबाव 5 बोसोरनि गोदान सोलोंथाय लानो बिथोन होनाय जादोंमोन। गोदान सोलोंथायनि ओंथिआ बेनोदि, अल्भेसआ जोबथेसालिनिफ्राय गखानायनि उनावबो 5 बोसोरसिम आइनिन नोजेराव थाबाय थगोन। बेनि अनगायैबो साजा फोसावजाखानायनि उनाव अल्भेसआ भुगिनांनय सुबुनो खहा सुफुनाय महैरै 150000 इड'जुरिमानाबो फोसावजादों। ब्राजिलनि टप फुटबलार

नेइमारआबो जिनाहारि खालामनाय के सआव अल्भेसजों मददआव फेदोंमोन। बे समाव नेइमारआ सासे गोजो थाखोनि उकिल आरो गोबां रं होन्नानै अल्भेसनि मददआव फेदोंमोन। बिसोर सानैआ सिगां समनिफ्रायनो मोजां लोगोमोन। जेराव बिसोर सानैआ बासिलाना फुटबल क्लबाव, पिएसजि आरो ब्राजिल नेसनेल टीमआव जयै गेलेखोंबाय। बिजिरसालिनि फोसावनाय बादिब्ला, अल्भेसआ 2022 नि 31 डिसेम्बरखालि हरआव स्पेननि बासिलानायव मोनसे नाइट क्लबावआव सासे लाइमोन आइजोनि सायाव गावनि गोसो बायदि हाबा मावदोंमोन। अल्भेसनि बिसि जवाना सान्जआ फोरमायनाय बादिब्ला, जेब्ला फिसाइआ बे सानखालि हरआव गावनि बासिलानानि न'आव गिदिबोफेदोंमोन आरो उन्दुनायाव बिसिनायाव थानायनि सिगां न'आव माखासे मुवाफोरखौ बुदोंमोन आरो बे समाव अल्भेसआ निसा लानाय थासारिआव दडमोन होन्नानै फोरमायो। नाथाय बिसिनि

बुंनय बे रावनि सायाव बिजिरसालिआ जिनाहारि खालामनायव जौ लौनायनि गोहोम गोर्लैया होन्नानै फोरमायो। भुगिनांनय लाइमोन आइजोनि उकिलआ फोरमायनाय बादिब्ला, अल्भेस आरो बिथानि लोगो साथामआ हिन्जावसाफोरनि थाखाय सेम्पेन बायदोंमोन। बेनि सिगां अल्भेसआ हिन्जावसाफोरनि सासेखौ नाइट क्लबावनि मोनसे भिआइपि थावनिआव जिनाहारि खालामगोन। उकिलआ बे समाव फोरमायनाय बादिब्ला, अल्भेसआ हिन्जावसाव सावरायसेयावबो गाव गोसो बादिदै हाबा मावनो हमदोंमोन। भुगिनांनय हिन्जावसावनि उकिलआ अल्भेसनि सायाव 9 बोसोर जोबथेसालिनि साजा बिदोंमोन आरो भुगिनांनय हिन्जावसाया 12 बोसोरनि साजा खवलायदोंमोन। मख'नो गोनादि, गावनि केरियारनि समाव अल्भेसआ स्पेनिस क्लबाव एफसि बासिलानानि थाखाय खेब 400 निबो बांसिन मेच गेलेदोंमोन। जायनि फारिआव बिथाडा क्लबाजों खेब 6 लीग बिमुं आरो खेबथाम सेम्पियन्स लीगनि बिमुं देरहादोंमोन। ब्राजिलनि 2022 वर्ल्ड कप हान्जायावबो बिथाडा दंफायोमोन। बिथाडा सेबिला, जुबेन्टस आरो पिएसजिनि जानानै गेलेनाय गावनि केरियारआव मोन 40 निबो बांसिन ट्रफी देरहादोंमोन आरो खेब 126 मेचजों बिथाडा ब्राजिलनि बयनिखुइ बांसिन हरिमायारिमेच गेलेगिरिफेनि गेजेखव जर'खा जायगा मोन्दोंमोन।

मिरु गेलेमु मावख'आ टेबल टेनिस गेलेगिरिफोरखौ गुबुन हदरआव ट्रेनिं खालामनो गनायथि होदों

गोदान दिल्ली, 23 फेब्रुवारी: मिरु गेलेमु मन्थिनि मिसन अलिम्पिक सेल(एमअसि)आ टेबल टेनिस गेलेगिरि डिया चितले आरो स्वास्तिका घषखौ गोजौ थाखोनि ट्रेनिं लानायनि थाखाय खोला करिया आरो जापानसिम दावबायनायनि गनायथि होबाय। डियाआ गावनि दावबायनाय ट्रेनिंआव शिन मिन सुंनि दैदैन्यायव खोला करियानि पाजु-सिआव ट्रेनिं लाहैगोन आरो स्वास्तिकाआ जापाननि असाकाआव कियु जियान सिनजों ट्रेनिं लागोन। एमअसिआ बेडमिन्तन गेलेगिरिफोर किरन जज आरो अनुपमा उपाध्याय, त्रिचा जली



आरो दायत्री गपिचान्दिन आइजो जावजा जरानि अनगायैबो रुद्राक्ष पाटेलखौ शुटिनि फोथारव इभेन्टफोराव बाहागो लानो थाखाय गनायथि होदों। किरन आरो अनुपमाआ बिडब्लिउएफ अलियान्स मास्टर्सआव बाहागो लाहैगोन आरो त्रिचा-गायत्रीनि जराआ गावसोरनि कच आरो

फिजियजों बिडब्लिउएफ जामानि अपेनआव सेलेन्ज लाखिनो जामानिसिम

दावबायगोन। भारतनि राइफल शुटार रुद्राक्षआ इन्टरनेसनेल सिजन स्टार्ट फर शुटारस इभेन्टआव बाहागो लानायनि थाखाय डर्टमुनसिम दावबायगोन। एमअसिआ डब्लिउटिफिडार इभेन्टफोराव बाहागो लानायनि थाखाय रंखाथियारि मददिनि थाखाय टेबल टेनिस गेलेगिरि फारियै जि शाथियान आरो मनिका बत्रानि आर'जलाइखौबो गनायथि

होबाय। शाथियानआ डब्लिउटिफिडार आरो डब्लिउटिफिडारनि मोननै इभेन्टआव बाहागो लानायनि थाखाय लेबाननि बेरुटसिम दावबायगोन आरो मनिकाआ डब्लिउटिफिडार सिंगापुर स्मेशआव बाहागो लाहैनायनि थाखाय गावनि कचजों थंगोन आरो फिन बेरुटआव खेबनै डब्लिउटिफिडार दुर्नमिन्टआव बाहागो लागोन।

रान्सि टेस्टआ आकाशदीप सिंहनि थाखाय जर'खा जानानै फेदों

गोदान दिल्ली, 23 फेब्रुवारी: भारत आरो इंग्लेण्डनि गेजेयव खेब 5 मेचनि टेस्ट सिरिजनि बँथि मेचआ रान्सिआव जागासिनो दड। बे मेचआव आकाशदीप सिंहआ रहित शर्मनि केप्टेनयाव गेलेनो खाबु मोनजेन्दों। बिथाडा बे मेचआव गावनि मिजिंथि बादिदै दिन्थिफुनो हादों। बेगलनि जानानै नख'रारि क्रिकेटआव गेलेग्रा आकाशदीपआ जशप्रीट भुमराहनि जायगायाव बे मेचआव गेलेनो खाबु मोन्दों। भुमराहखौ बिसिसिआइआ माखासे समनि थाखाय जिरायहोथ'दों। नाथाय आकाशदीपआ मेचआव भुमराहनि बाहागो जायैखौ मोन्दांथि होयाखै। इंग्लेण्डनि बेरेखायै रान्सि टेस्टआव आकाशदीपआ डेब्यु खालामनाय महैरै भारतनि आवगायनायाव बिहोमा जगायदों। भारतीय हान्जानि अन्सायगिरिफोरा भुमराहनि बाहागो जायैखौ हान्जायाव मोन्दांथि फेगोननि मिजिंथि लादोंमोन। नाथाय गावनि रोंगथिजों आकाशदीपआ बे सान्दांथिखौ गोजानआव लाखिदों। बिथाडा गावनि गिबि स्पेलआव 24 रानआवनो साथामनि उइके ट लादों। आकाशदीपआ बे समाव अपेनार जेक क्राउली आरो बेन डकेटखौ आउट खालामगोन। बेनि अनगायैबो अली पपखौ पेभिलियनसिम दैथायहरनो हादों। बिथाडा गावनि स्पेलनि नैथि अभावरआव गिबि जाफु'सारनायखौ मोन्दों। आकाशदीपआ गावनि नैथि अभावरआव जेक क्राउलीनि उइके ट लादोंब्लाबो बै गलआन' बलमोन। जायनि जाहोनाव जेक क्राउलीआ आउट



जानायनिफ्राय रैखाथि मोन्दोंब्लाबो उनाव आउट खालामफिन्तो हादों। आकाशदीपनि जाउनावबो भारतीय हान्जाया बे मेचआव मोजाडै फिलिंड खालामनो हादों। 1996 नि 15 डिसेम्बरआव जोनोम मोन्नाय 27 बोसोर बैसोनि आकाशदीपआ नख'रारि क्रिकेटआव बेंगलनि जानानै मेच गेलेयो। 2019 आव बिथाडा फास्ट मेचआव आगान होजेन्दोंमोन। दासिमाव गेलेनाय खेब 130 फास्टक्लास मेचफोराव

बिथाडा 104 उइके ट लाखांबाय। जायनि फारिआव बिथांनि जौखोन्दोआ 23.58 आव थाहैयो। लिस्ट-एआव बिथाडा खेब 28 मेचआव 42 उइके ट लानो हाखांबाय। आरसिबिनि हान्जाया आकाशदीपखौ आइपिएलआव 20 लाख रडव बायदों। बिथाडा दासिमाव आइपिएलनि खेब 7 मेचफोराव 6 उइके ट लाबाय। बेनि अनगायैबो खेब 21 टी-20 मेचफोराव 26 उइके ट लाखांबाय।

अलिम्पियान दिपिकाआ बिमा जाखांनयनि उनाव मोजाडै दिन्थिफुनो हादों

इंग्लेण्डनि हेंथायै आस्विनआ रेकर्ड थिसन्दों



गोदान दिल्ली, 23 फेब्रुवारी: रान्सिआव गेलेनाय भारत आरो इंग्लेण्डनि ब्रैथि टेस्ट मेचआव इंग्लेण्डनि केप्टेन बेन स्टक्सआव टसआव देरहानानै गिबियै बेटिं खालामनो थांखि लादों। भारतीय क्रिकेट हान्जाया टसआव जेन्नायनि उनावबो बलिंनि फोथारआव इंग्लेण्डनि हान्जाखौ जेन्नायाव खोखैदों। बे समाव भारतनि स्टार अफ स्पीनार रविचन्द्रन आस्विनआ मोजाडै दिन्थिफुनो। आस्विनआ रान्सिनि जेएससिए इन्टरनेसनेल स्टेडियम कम्प्लेक्सआव गेलेनाय ब्रैथि टेस्ट मेचनि गिबि साननि गिबि सिजनआव इंग्लेण्डनि जनी बेयस्टखौ आउट खालामनायजोनो मोनसे रेकर्ड लाखिदों। आस्विनआ इंग्लेण्डनि बेरेखायै गेलेनाय टेस्ट मेचआव मोनसे जर'खा सेन्सुरि उइके ट लादों। बिथाडा बे मेचआव जनीखौ आउट खालामनानै इंग्लेण्डनि हेंथायै टेस्ट क्रिकेटआव गावनि 100 थि उइकेटखौ आबुं खालामगोन। बे जाफु'सारनायजोंनो आस्विनआ टेस्ट क्रिकेटआव सेन्सुरि उइके ट लानाय गिबिसिन भारतीय बलार जानो हाबाय। बिथांनि सिगां रावबो भारतीय बलारफोरा टेस्ट क्रिकेटआव इंग्लेण्डनि हेंथायै 100 उइके ट लानो हायाखैमोन। भागवत सुब्रमनियाम चन्द्र शेखरआ बे फारिलाइआव नैथि थावनिआव जायगा मोनो। बिथाडा इंग्लेण्डनि बेरेखायै टेस्ट क्रिकेटआव 95 उइके ट लाखांबाय। आस्विनआ सोलिफु एन्टनी डी मेल' ट्रफीआव 12 उइके ट लानानै बान्जायगिरिफोरनि थाखाय थामथि बयनिखुइबो बांसिन उइके ट लानाय गेलेगिरि जानो हादों। सोलिफु बे सिरिजआ आस्विननि थाखाय जर'खा जानानै दड। मानोना बिथाडा आरोबाव माखासे रेकर्डआव गावनि मुं लाखिनो हाबावगौ। आस्विनआ थानाय माखासे मेचफोरनि सिगां माखासे जेनाजों मोगा-मोगि जानांदोंब्लाबो भारतीय हान्जानि थाखाय सिरिजआव मोजाडै दिन्थिफुनो नाजागासिनो दड। चेन्नाइआव जोनोम मोन्नाय आस्विनआ राजकर्तनि निरन्जन शाह स्टेडियमआव गेलेनाय थामथि टेस्ट मेचखौ गेजेर समावनो नागरांनदोंमोन। मानोना बिथाडा बिमा लोमजानायनि थाखाय हसखाबै न'सिम दावबायनादोंमोन। बेनि उनाव हान्जायाव बाहागो जाफिन्नायनि उनाव नैथि इन्सिआव खेब 6 अभावर खुबैनायाव टम हार्डलेनि उइके ट लानो हादों।



आइजोफोरनि रिकार्भ टीम बादायलायनायव नैथि थाखोआव जायगा मोन्दों। एलिमिनेसन राउन्डआव भारतनि आइजोफोरनि रिकार्भ हान्जाया इरागखौ फेजेन्नानै फाइनालाव रायनि हौवाफोरनि रिकार्भ

भारतीय हान्जाया बे खेबआव उन्बेकिन्ताननि सेलेन्जआव ओंखारगोन। आइजोफोरनि हान्जायाव भजन कौरआबो फारिआव दड। दिरज भमादेबा, प्रथिन यादव आरो तरुनद्वीप रयनि हौवाफोरनि रिकार्भ

हान्जाया बान्जायगिरिफोरनि हान्जाखौ थोंजोडै सेटआव फेजेन्दों आरो फाइनालाव बांलादेशखौ सेलेन्जआव गसंगोन। भारतनि प्रमटेज जकर, प्रियाय आरो कुशल दलालआ सेमिफाइनालाव बान्जायगिरि

इराकखौ 233-223 स्करआव फेजेन्नानै हौवाफोरनि कम्पाउन्ड हान्जानि फाइनालाव सौहैयो। बिथांमोननि हान्जाया बे खेबआव इरानजों सेलेन्जआव ओंखारगोन। आदिति स्वामी, प्रिया गुजर आरो परनित कौरनि हान्जाया कम्पाउन्ड आइजोफोरनि हान्जानि बादायनायव आफगानिस्तानखौ 234-210 स्करआव फेजेन्नानै फाइनालनि टिकेटखौ लानो हादों। बे खेबआव बिसोरनि हान्जाया इरानजों बादायलायगोन। जबकर आरो आदिति कम्पाउन्ड मिक्स टीमनि जराआ जोबथा 4 नि राउन्डआव बांलादेशखौ 157-146 स्करआव फेजेनो आरो फाइनालाव इरानजों गावसोरनि सेलेन्जखौ थि खालामनो हादों।